

Meje Po Carte Pablo Tatina, Roma Tomarapiwi Tatinatsi

Meje yabara poxonae Pablo tamropata pitaba xua tatina pomonaetha pomona Roma tomara-piwi

¹ Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwu jiwana tatsin xua tacueicueijeinexa Nacom pia pecapanenebiyae diwesi jume.

² Barapo pecapanenebiyae diwesi jume caena bayatha Nacom yabara tsiwuna nae muxu duta Nacom pia peitorobi jume pepaebi jiwitha poxonae barapomona tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi.

³ Barapo diwesi yabara tinatsi Jesucristo, pon Wanacanamateaxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwana pinsi tatsi. Barapo David pon caena bayatha Israel nacuapiwi itorobiya pia pepa peewatsinchi.

⁴ Poxonae Nacom pia peayapusa itorobi coyenewatha Jesucristo pon Wanacanamateaxeinaein asa exanatsi petupa cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po

pexantoxae tatsi pia jumope t̄nax̄u tatsi j̄nt̄u coyene xanepana Nacomtha.

⁵ Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwi tatsi. Nacom pana itoroba pata cueicueijeinexa daxita nacua ji-witha xua barapomonae pejume cow̄ntsinexa yawa xua peexanaenexa pocotsiwa xua Jesucristo itoroba.

⁶ Daxita barapomonae pomonae jume cow̄nta, paxam barapomonae jiwana pam. Nacom ir̄u paca waba xua paxam Jesucristo piamonae tatsi jiwana pam painya nenaexanaenexa.

⁷ Daxita pam pacata tinatsi pomonae pajinompame Roma tomaratha, pomonae pam xua Nacom paantobem. Yawano Nacom paca waba xua bapon painya tsita nenaj̄nt̄u coyenein xanepana exanaenexam tsane. Barab̄u Nacom, pon Waxa, ir̄u Jesucristo pon jiwi Pecanamataxeinaein baponbe paca yawenaenabe pia paca necaantobexae. Matātano baponbe barab̄u j̄nt̄ema jinompa paca cana exanaena.

Meje yabara poxonae Pablo ichichipa xua pe-siwa ponaewa Roma tomara

⁸ Matha copiya Jesucristo w̄n caununaya tsipaeban Nacomtha, janje tsaibin: “Nacom, yabara j̄nt̄u coyene weiweinan Roma tomarapiwi, tsipei daxita nacuan jiwi yabara paeba xua pinae barapo Roma tomarapiwi xaniwaicha beta cajume cow̄nta”, jan tsaibin Nacomtha.

⁹ Ajuntayayapusya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha.

¹⁰ Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi.

¹¹ Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tanaxu tatsi painya nepaca cayawenaenexa tsane painya juntu coyenewatha. Baroxonae paca juntu coyene ayapusu exanaena.

¹² Pocotsiwa xuaunxuae yabara paeban apara xua waxainchi caemonae nantiya wanajuntu coyene tsacabinexa xua juntea wajinompaenexa. Baxua nacana exanaeinchi poxonae wanatsipaebeibinexa Nacom Pejume Diwesi, po jume diwesi pajume cowantame xua iruru jume cowantandu.

¹³ Tamonae pam, pomonae iru painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua iruru pejuntu coyene tsacabinexatsi pomonae copiya jume cowanta. Baxua barichin tsane icha bayatha ichin ichamonaetha xua poxonae yawenan

pomonaē jopa judiomonaē naexanaeyo xua pe-
jume cowantsinexa.

¹⁴ Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae.

¹⁵ Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomonaē pamxaem xua painya nejinom-paewi pam Roma tomaratha.

Meje yabara xua Nacom Pejume Diwesi xeina peyapusu itorobi coyenewa xua jiwi pecapanenebiwatsi

¹⁶ Jopa ajumeurinyo xua tacueicueijejewa Nacom pia pexeinya jume diwesi. Poxonaē jiwi jume cowanta barapo diwesi, Nacom capanenebiya exana barapomonaē abe pia peexanaē cuiru coyenein weya tatsi pia peyapusu itorobi coyenewatha. Nacom capanenebiya pomonaē pia pejume cowantsiwichi, matha copiya judiomonaē, baroxonaē iru pomonaē jopa judiomonaē naexanaeyo.

¹⁷ Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentsexae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesitha

jeye baxua yabara: “Pontha, pon Nacom juntu coyene xanepana exana pia peyabara jume cowantsinxaetsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

Meje yabara xua jiwi penatsicuentsiwa Nacomtha abe peexanaexae

¹⁸ Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonae abe peexanaexae, jopa copatsiyo xua bara pia juntu coyeneintha peyaputaewa pexainyei jumein.

¹⁹ Barapomonae bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene ituta barapomonaetha.

²⁰ Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peayapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom.

²¹ Bequein barapomonae yabara yaputane xua bara Nacom popona, daichitha barapomonae

jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonaе jopa jei tsaibiyo Nacomtha: “Nacom, pajantu coyene weiweinan xua pocotsiwa painta neexanaewamxae”, jopa jei tsaibiyo. Saya meisa barapomonaе yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume.

²² Bequein barapomonaе paeba xua pinae peyaputaewi daichitha be pomonaе xua jopa xapain peyaputaе jiwi naexanaeyo.

²³ Barapomonaе jopa wunaе jainchiyo Nacom, pon ataya tsitecaeya popona. Saya u wunaе pejainchi ibo nacomu, po ibo nacomu be tsita jiwichi xua saya peweraweracaе coyene. Yawano icha ibo nacomu exana xua xuan be peyapupunaewi, yawano po ibo nacomu be jomon xua petompacuetontha pona, yawano po ibo nacomu be duwein xua pecobe xeina yawa pesito xeina.

²⁴ Daxota Nacom copata xua barapomonaе bara moya peexanaenexa abe peexanaewa be pocotsi coyeneya xua ichichipa. Baroxonaе barapomonaе nantiya nata exana pocotsiwa xua aura exanatsi pia pepontha.

²⁵ Baxuan Nacom copata xua peexanaewa barapomonaе, tsipei barapomonaе jopa jume cowantsiyo Nacom pia pexainyei diwesi jume. Saya barapomonaе itapeta u jume cowanta xua xuan penaerabi diwesi jumein. Pocotsiwan Nacom forota baxuan barapomonaе be pia nacomu cana exana pejume cowantsinexa,

matautano xua barapomonaē pebaru cui itura jinaenexa xua wūnaē pejainchiwa nexa. Barapomonaē jopa wūnaē jainchiyo pepa Nacom, pon daxita peforotsin. Barapon waxainchi bewa wūnaē jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

²⁶ Daxota Nacom copata xua barapomonaē bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonaē pia yabūxi tatsi jopa equeicha exanaeyo po coyene yabūxi ba exana poxonaē peichichipaewa pia pebin. Baroxonaē barapo yabūxi exana xua cae yabūxi naichichipa.

²⁷ Barichi pebiwi aichaxaibi po coyene pebiwi ba exana poxonaē peichichipaewa pia petsiriwa. Saya meisa bichocono penthutontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaē abe peexanaexae Nacomtha natsicuenta. Daxota Nacom copata xua barapomonaē pia pepon atene nata exana.

²⁸ Poxoru barapomonaē jopa ichipaeyo xua jopa pejume cowūntsiwa Nacom, daxota Nacom copata xua barapomonaē moya bara abeya penanta xeinaenexa. Matautano Nacom copata xua barapomonaē bara moya exanaena pocotsiwan jopa bewa exanaē pocotsiwa xua abe.

²⁹ Barapomonaē jopa juniya jūntū coyene yūcaetsi xua peabe coyenewan. Barapomonaē nasi cui weiweina exanaduta, yawano abe exana ichamonaetha. Yawano exana xua ichichipa

pocotsiwa ichamonae xeina. Yawano ichichipa xua ichamonae atene exanatsi. Barapomonae uwa, ichamonae uwatsi. Yawano barapomonae juteba, ichamonae jutebatsi. Yawano penabi coyene exana. Yawano barapomonae jiwi muxujainyaba nawita. Yawano barapomonae bichocono piamonae caseba nawita. Yawano caemonae nabar_u paxapaxei xua ichamonae abe yabara paebatsi.

³⁰ Yawano barapomonae jume atsaquiya abeya yabara paeba xua ichamonae pocotsiwa exana. Barichi barapomonae Nacom casebatsi. Yawano barapomonae biatane ichamonae. Yawano pia coutha penayabara paebiw_i xua pinae peainya cui jiwi. Yawano barapomonae peebiw_i xua ichamonae aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi.

³¹ Barapomonae jopa ichichipaeyo xua Nacom peyabara yaputaewatsi. Yawano barapomonae jopa jume xainyeya exanaeyo pocotsiwan xua exanapaebeiba. Yawano barapomonae jopa xapain antobeyo ichamonae. Yawano barapomonae jopa ichamonae yabara j_untemainaetsi xua abe exana. Yawano barapomonae jopa ichamonae xapain yabara nanta xeinaetsi xua peyawenaenexatsi.

³² Barapomonae yaputane pocotsiwa xua Nacom itoroba. Yawano barapomonae yaputane xua pomonae barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae j_unt_u coyene weiweina, poxonae ichamonae ir_u barapo peabe coyenewan

exana.

2

Meje yabara xua Nacom yabara paebina penatsicuentisiwa jiwi, xua yatsicaewa pexainyei coyenewatha

¹ Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichuntha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichun payabara paebame xua penatsicuentisiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentisiwa xua abe pia peexanaewaxae.

² Waxainchi yaputainchi xua Nacom yabara paebina daxita jiwi xua penatsicuentisiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentisiwa jiwi, bapon paebina xua pomonae barapo peabe coyenewan exana bewa peraxa jubebinchi xua atene tsane.

³ Paxam ichun payabara paebame penatsicuentisiwa xua abe pia peexanaewaxae. Apra painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae

Nacom atene exanaena xua poxonaē yabara paebina jiwī xua penatsicuentsiwa xua pomonaē abe peexanaewi.

⁴ Paxam paaichaxaibim poxonaē Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonaē Nacom ab_u saya j_untema ewata xua beta pacata exanaena xua pomonaē pamxaem xua pajume cow_untsiname yawa atene paca exanaena pomonaē pamxaem jopa painya nejume cow_untsiwi. Nacom baxua exana pia xua paxam painya auratsi abe painya neexanaexae. Yawano pia painya baroxonaē Nacom w_ucaetsi xua painya nepaca cayabara j_untemainena xua painya abe exanaē coyenewan.

⁵ Paxam ainya _unth_uton paxeiname. Yawano jopa paichipaem xua icha j_unt_u coyene painya tsita xeinaewa Nacom. Daxota paxam matarope-icha paexanaponame xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentsixae po mataqueitha Nacom paebina xua bewa atene exanaeinchi pomonaē barapo peabe coyenewan exana. Nacom yabara paebina jiwī xua penatsicuentsiwa xua abe peexanaexae xua yatsicaewa pexainyei coyenewatha abe peexanaexae bapontha.

⁶ Nacom catsibina pentoman daxita carepaya jiwitha xua pocotsiwan pia petanacuichiwiwaetsi. Pomonaē abeya tanacuita xuya abeya matoma catsibebinchi. Pomonaē w_unaeya tanacuita xuya w_unaeya matoma catsibebinchi.

⁷ Ichamonaē Nacom peaj_unt_uyap_u coyenewa

catsibina pomonaetha pomonae jopa aitaconaeya exana dubenanaebiyaeyo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajuntayarusu coyenewa po peajuntayarusu coyenewa ataya tsiteca.

⁸ Ichamonaetha, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowantsiyo Nacom pia pexainyei jume diwesi. Barapomonae Nacom bi chocono caseba itapeta peichichipaewaxae xua abe coyenewa peexanaewa.

⁹ Atene exanebinchi yawa ajuntarewe exanebinchi daxita pomonae abe coyenewan peexanaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo.

¹⁰ Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua juntema pejinompae coyenewan. Matha copiya catsibinchi judiomonae, bapoxonae iru catsibinchi pomonae jopa judiomonae naexanaeyo.

¹¹ Barapomonaethabe Nacom catsina barapo coyenein tsipei Nacom tsita najupatsi daxita jiwi.

12 Pomonae jopa judiomonae naexanaeyo daxita barapomonae yaputane poxonae abe exana pia peitorobi coyenewan pexeinaexae. Icha barapomonae awiya eexanapona pocotsiwa xua abe, Nacom tsita natsicuentatsi. Barapomonae werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonae judiomonae barapomonae yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonae abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi.

13 Pomonae jume tane Moisés pia peitorobi coyenewa tatsi xuano exana pocotsiwa itoroba, barapomonae Nacom tsita juntu coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonae Nacom jopa tsita juntu coyene xanepanaetsi.

14 Pomonae jopa judiomonae naexanaeyo barapomonae jopa xeinaeyo Moisés pia peitorobi coyenewa tatsi. Ichitha ichacuitha barapomonae exana xua be pocotsi coyene Moisés pia peitorobi coyenewatha itoroba. Baxua barapomonae exana, tsipei pejuntu coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia juntu coyenewantha.

15 Poxonae barapomonae beta exana, baxua

itapeinya xeina xua barapomonaē pia jũntũ coyenewantha xeina Nacom pia peitorobi coyenewa tatsi. Barapomonaē yacuiya naexana. Barapomonaē pia jũntũ coyenein yaputane cana exanatsi xua poxonaē wũnaē exana xuano xua poxonaē ichacuitha abe exana.

¹⁶ Jemeicha jopaena matacabi po mataqueitha poxonaē Nacom itorobina xua Jesucristo yabara paebina daxita jiwi xua pia penatsicuentsiwa xua abe peexanaexae Nacomtha. Barapo mataqueitha Jesucristo yabara paebina jiwi xua penatsicuentsiwa xua abe peexanaexae xua pocotsiwan namicha abeya peexanaexae mataũtano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonaē cueicueijan Nacom pia pexeinya pecapanenebiyae diwesi jume.

Meje yabara xua judiomonaē yawa Moisés pia peitorobi coyenewa tatsi

¹⁷ Paxam papaebame, pajam: “Paxan seicaya judiomonaēpiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom.

¹⁸ Barichi paxam papaebame xua pinae payaputaneme pocotsiwa xua Nacom pia peichichipae coyenewa. Mataũtano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa.

¹⁹ Mataũtano atsaquiya papaebame, pajam: “Paxan pacuiduban pomonaē jopa peyaputae jiwi

Nacom. Yawa jume cowanta pacana exanan pomonae jopa jume cowantsiyo Nacom”, pajam.

²⁰ Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan.

²¹ Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu.

²² Paxam pacuidubame xua jopa bewa ichan piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi.

²³ Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi.

²⁴ Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe

paexaname”, jei Nacom Pejume Diwesitha.

²⁵ Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa per_u muxunene caxica xua ichaxota pebiwichi xeinatsi ichaxota pana nareixacae-name. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cow_unta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cow_unta dubenanaebiyame bequein paca wi thabitha tsipae.

²⁶ Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi.

²⁷ Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca j_unt_u cui coyene yabara nanta xeinaena xua icha abe paexaname Nacomtha xuano xua icha w_unae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba.

²⁸ Pon jiwi tsitatsi xua pepa judiomonaepin saya

poxoru pewi thabixaetsi xua pepontha, bapon Nacom jopa tsitatsi xua pia jiton tatsi.

²⁹ Jame xua pepa judiomonaepin penaex-anaenexa tsane, saya jame poxonae Nacom jũntũ coyene xanepana exana barapo jiton xua Nacom jopa bapon tsita natsicuentichi abe peexanaexae pia jũntũ coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowũnta pejũntũ coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha jũntũ coyene pexeinaewa Nacomtha xua pexanepanaewa. Saya apara meisa Nacom pia Pejumope tũnaxũ tatsi baxua exana. Jiwi wũnaeya yabara paeba pomonae xua pewi thabiwichi. Ichitha nama Nacom wũnaeya yabara paeba pontha pon icha jũntũ coyene xeina bapontha xua pexanepanaewa.

3

¹ Metha beya ichũn yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae.

² Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi

thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae.

³ Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonaе jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiwanae muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwanae muxu dutsiwa?” jei tsipae.

⁴ Metha jan tsipae: “¡Jume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi pemuxu-itorobi jiwi. David baxua yabara paeba Nacom Pejume Diwesitha xua Nacom tapaebatsi, jeye: ‘Nacom, poxonaе cueicueijam jiwi yaputaena xua xam xainyeya bara nepaebin. Bapoxonaе jiwi jume amanayabame poxonaе baxua exaname poxonaе bequein jiwi cayabara paeba xua abe exaname’, jei David Nacom Pejume Diwesitha”, jan tsipae.

⁵ Ichitha metha ichamonae jume coxonaya najeume matsontsonobichipa jei tsipae: “Poxonaе waxainchi abe exanatsi bapoxonaе Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae

coyengewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsi-pae barapomonaе, xua saya paeba icha jiwi ichi pomonaе jopa peyaputaе jiwi.

⁶ Metha barapomonaе jume notsipan, jan tsi-pae: “jume apara, baxua jopa xainyeyo! Icha Nacom jopa xaniwaichiya exanaetsipae poxonaе naca yabara paeba xua penatsicuentsiwa bapoxonaе jopa itacupaetsipaetsi xua daxita yabara paebatsi jiwi xua penatsicuentsiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacupatsi xua daxita jiwi yabara paebatsi penatsicuentsiwa”, jan tsipae.

⁷ Metha ichamonaе jei tsipae: “Nacom jopa bewa naca yabara paebi penatsicuentsiwa tsane wanaca yabara paebinexa xua abe waexanae-wan poxonaе naerabiya cueicueijeichi. Pox-oru poxonaе naerabiya cueicueijeichi ichamonaе tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin”, jei tsipae barapomonaе.

⁸ Ichamonaе iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonaе. Barapomonaе naerabiya paeba xua pinae xan barapo coyene cuiduban ichamonaе. Barapo naerabiya pepaebiwi xua neyabara jume caenaeraba, barapomonaе Nacom tsita natsicuentinchi abe taneyabara pae-

bixae.

Meje yabara xua daxitatsi pomonaetsi pomonae Nacom watsita natsicuentisiwichi abe waexanaexae bapontha

⁹ ¿Waxainchi pomonae judiomonaetsi Nacom tsitatsi xua jopa wanatsicuentisi jiwichi xua beyacaincha pomonae jopa judiomonae naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomonae jopa judiomonae naexanaeyo daxitatsi abe waexanae jiwichi”, jan.

¹⁰ Nacom Pejume Diwesitha baxua yabara jeye: “¡Dapomonae ajibi pomonae xua xanepanaya peexanaewi, xua matautano bara caeinno!

¹¹ Matautano dapon ajibi pon ichichipa xua peyabara yaputaewa pexainyei coyenewa. Matautano dapon ajibi pon xua ichichipa penaponaewa Nacomtha.

¹² Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

¹³ Barapomonae caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa.

Bapomonae pepaebiwantha ichamonae muxujainyabeibatsi.

Barapo pepaebiwantha ichamonae ajuntucoyenetane exanatsi, icha jomo ichi xua ichan sinatsi poxonae bichocono atene exanatsi pewano tsapa pexeinaexae.

14 Barapomonae saya ꞥ cueicueijeï xua xuan peabe

jumein, po jumein xua atsaca pepaebiwa.

15 Barapomonae bichocono ichichipa nawita xua ichamonae bichocono atene peexanaewatsi xuano xua pejutebiwatsi.

16 Daxita ichaxota poneiba barapomonae, ichamonae abe exaneibatsi. Mataꞥtano exaneiba pocotsiwa ichamonae ajꞥntꞥcoyenetane cana exanatsi.

17 Barapomonae jopa yaputaeyo xua po coyene caemonae nantiya jꞥntema jinompa penaexanae coyenewa.

18 Mataꞥtano barapomonae jopa cunuwiyo Nacom xua abe peexanaeyainwatsi”, jei Nacom Pejume Diwe-sitha.

19 Waxainchi yaputainchi xua daxita Nacom paeba Moisés pia peitorobi coyenewatha baraxua judiomonae nexa. Barapomonae bewa exanae Moisés pia peitorobi coyenewa tatsi. Ichitha judiomonae jopa itacꞥpaetsi xua peexanaewa barapo coyenewa. Barichi pomonae jopa judiomonae naexanaeyo jopa itacꞥpaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinexa xua pinae jopa abe peexanaewa barapo jiwi. Mataꞥtano Nacom tsita itapeinya xeina jiwitha xua Nacom yabara paebina xua penatsicuentisiwa daxita jiwi xua abe peexanaexae bapontha.

20 Dapon ajibi pon itacꞥpatsi xua pejeiwa: “Xan bichocono tajꞥntꞥ coyene xanepanaein xua Nacom jopa tatsita natsicuentisixae abe taexanaexae

bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame अपारा barapo Moisés pia peitorobi coyenewa tatsi naca yaputane exana xua waxainchi अपारा abe waexanae jiwichi.

Meje yabara xua jiwi capanenebiyatsi pejume cowh̄ntsixae Nacom

²¹ Ichitha anoxuae Nacom jiwi yaputane exanatsi po coyeneya bapon exana xua poxonae jiwi j̄nt̄u coyene xanepana exanatsi bapontha. Nacom jopa tsita natsicuentichi barapomonaе xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, ir̄u Nacom pia peitorobi jume pepaebiwi paeba xua bewa jiwi Nacom tsita j̄nt̄u coyene xanepanaetsi.

²² Nacom j̄nt̄u coyene xanepana cana exana jiwi poxonae barapo jiwi jume cowh̄nta Jesucristo. Nacom bara daxita naj̄nt̄u coyene j̄piya exana pomonaetha pomonaе pejume cowh̄ntsiwi Jesucristo, poxoru Nacom tsita naj̄patsi barapo pejume cowh̄ntsiwichi.

²³ Tsita naj̄patsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomonaе.

²⁴ Ichitha Nacom peantobexae jopa tsita penatsicuentsiwatsi barapo jiwi. Baxua Nacom amanaya taexana. Nacom pentoma exana xua jiwi pej̄nt̄u coyene xanepanaenexa poxonae Cristo Jesús naetotha tsit̄pa, xua jiwi tsit̄patsi.

²⁵ Nacom Pexanto itorobica, pon Cristo. Bapon jana pichapabarena poxonaē tsitupa jiwi pia peabe coyenewan tatsi. Nacom jantemaina jiwi pia peabe coyenewan poxonaē barapomonaē jume cowanta Cristo. Barapo coyenewatha Nacom yaputane exana xua bara jantu coyene xanepana cana exana jiwi xua jopa Nacom petsita natsicuentisiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomonaē xua caena bayatha jinompa poxonaē cataunxuae Jesús jopa tupaeyo.

²⁶ Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apra jame Nacom jantu coyene xanepana cana exana jiwi poxonaē Nacom yabara jantemaina jiwi xua pia penatsicuentisiwa xua abe peexanaexae. Baxua exana daxita pomonaetha pomonaē pejume cowantsiwi Jesús.

²⁷ Daxota waxainchi jopa naca itacupaeyo xua atsaquiya nayabara paebatsi xua beta waexanaewa. Waxainchi jopa najantu coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apra wajume cowantsixae Jesús, daxota bapon naca jantu coyene xanepana cana exana Nacomtha.

²⁸ Nama anoxuae waxainchi yaputainchi xua Nacom jantu coyene xanepana cana exana pontha pon jume cowanta Jesús. Nacom jopa jantu coyene

xanepana exanaeyo poxonae bequein ichun ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

²⁹ Nacom jopa meisa apara judiomonae pia Nacom tatsi. Apará iru pomonae jopa judiomonae naexanaeyo barapomonae iru pia Nacom tatsi.

³⁰ Icha Nacom ajibi, saya meisa bapon Nacom nacata bara compa. Barapo Nacom juntu coyene xanepana cana exana jiwi, pomonaetha pomonae jume cowanta Jesucristo, bequein pomonae wi thabatsi xuano bequein pomonae jopa wi thabichi.

³¹ Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxonae xaniwaicha jume cowantatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

4

Meje xua Abraham yabara

¹ Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iruru daxita judiomonae pia pamo susatopin tatsi pon caena bayatha tupa.

² Abraham jopa pia coya najuntu coyene xanepana exanaeyo xua jopa Nacom petsita natsicuentisiwatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi.

³ Nacom Pejume Diwesitha Abraham yabara paebatsi, jeye: “Abraham jume cow_hnta Nacom. Peyabara jume cow_hntsixae pocotsiwa xua Nacom exanapaeba, Nacom j_hnt_h coyene xanepana cana exana bapon”, jei Nacom Pejume Diwesitha.

⁴ Poxonae jiton ba tanacuita ich_hn, jopa jiton pentoma becatsichi xua saya amanaya nexa poxoru ich_hn peyabara nanta xeinaexae bapon. Jame jiton ba bewa pentoma catsichi xua poxoru penacuichixae.

⁵ Ichitha nama Nacom seicayiya exana. Pon yabara jume cow_hnta pocotsiwa Nacom exanapaeba xua Nacom peyabara j_hntemainaenexa xua bapon pia penatsicuentsiwa tatsi, bara Nacom yawena bapon. Barapo jiton Nacom tsita j_hnt_h coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane.

⁶ David pon wamo susatopin, pon caena bayatha t_hpa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono j_hnt_h coyene weiweina. Jeye: “Pon peyabara jume cow_hntsixae pocotsiwa Nacom exanapaeba, Nacom j_hnt_h coyene xanepana cana exana. Jopa apara Nacom j_hnt_h coyene xanepana exanaeyo xua poxoru bapon w_hnaeya xanepanaya peexanaexae. Apara poxoru Nacom peichichipaexae, daxota baxua exana”, jei David.

⁷ Equeicha David jei:
 “J_hnt_h coyene weiweina pomonae Nacom yabara j_hntemaina xua puxana exana abe pia peexanae cuiru coyenewan tatsi.

⁸ Juntũ coyene weiweina pon Nacom jopa tsita natsicuentſichi xua abe peexanaexae”, jei David.

⁹ Po pejuntũ coyene weiweinaewa xua David yabara paeba, meisa saya Ʃ pomonae pewi thabiwichi jopa nexiyo. Aparā barapo pejuntũ coyene weiweinaewa irũ pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowũnta pocotsiwa Nacom exanapaeba, daxota Nacom juntũ coyene xanepana cana exana bapon xua jopa Nacom tsitatsi xua Abraham penatsicuentſiwa xua abe peexanaexae.

¹⁰ Abraham jopa juntũ coyene xanepana exanaetsi poxonae nacana cui wetatsi xua pewi thabiwatsi. Aparā Nacom Abraham juntũ coyene xanepana exanatsi poxonae cataunxuae jopa wi thabichi.

¹¹ Abraham peyabara jume cowũntſixae pocotsiwa Nacom exanapaeba, Nacom juntũ coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntũ coyene xanepana exana Abraham, peyabara jume cowũntſixae pocotsiwa Nacom exanapaeba. Abraham petſiwana exanaexae xua pewi thabiwatsi, daxota Nacom tsitatsi xua Abraham be coxiyũn poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowũntſiwixaeſi pocotsiwa exanapaeba bara bequein daxita

barapo jiwi jopa pewi thabiwichi copiya. Daxota Nacom iru yabara nanta xeina xua bara iru barapomonaе јuntu coyene xanepana bapontha.

¹² Barichi Abraham be coxiyun cana exanatsi, xua pomonaе bayatha pewi thabiwichi barapomonaе be pia pecanamataxeinaeinchi. Jopa Abraham be coxiyun cana exanaetsi xua poxoru barapomonaе pewi thabixaetsi. Jame apara be coxiyun cana exanatsi poxoru iru peyabara jume cowuntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonaе wi thabatsi.

Meje yabara xua poxonaе Nacom cata pia peyabara tsiwunaе muxu dutsiwa, Abraham catatsi

¹³ Nacom yabara tsiwunaе muxu duta Abrahamtha iru pia pemomoxi susato jiwitha tatsi. Nacom yabara tsiwunaе muxu duta xua catsina daxita barapo cae pin nacue Abrahamtha, iru pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwunaе muxu dutsiwa xua poxoru Abraham peexanaexae pocotsiwa Moises pia peitorobi coyenewatha itoroba tsipei Moises jopa cataunxuae naexanaeyo poxonaе bayatha Abraham tupa. Apara Nacom cata barapo yabara petsiwunaе muxu dutsiwa poxoru Abraham peyabara jume cowuntsixae pocotsiwa Nacom exanapaeba. Daxota Nacom yabara tsitatsi xua bara Abraham peјuntu coyene xanepanaein bapontha.

14 Icha pomonae xeinaetsipa pocotsiwa Nacom yabara tsiwɛnae muxu duta, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowanta pocotsiwa Nacom exanapaeba. Matautano pocotsiwa xua Nacom yabara tsiwɛnae muxu duta barapomonae jopa tsita xainyei tsipaetsi.

15 Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentisiwatsi xua abe peexanaexae xua poxonae jopa exanaeyo barapo peitorobi coyenewa.

16 Daxota Nacom yabara tsiwɛnae muxu duta Abrahamtha peyabara jume cowantsixaetsi pocotsiwa Nacom exanapaeba. Nacom pia yabara petsiwɛnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apara Nacom irɛ cata pomonaetha pomonae pejume cowantsiwichi icha Abraham ichi poxonae jume cowanta Nacom. Bapon Abraham be coxiyɛn cana exainchi xua daxita waxainchi be xua wanacanamataxeinaein, copiya pejume cowantsixae.

17 Nacom jeye Abrahamtha pejume diwesitha:

“Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiyꝰm”, jei Nacom Pejume Diwesitha. Daxota barapo yabara petsiwꝰnae muxu dutsiwa Nacom tsita coyene xanepanatsi. Barapon Nacom Abraham yabara jume cowꝰnta pocotsiwa Nacom exanapaeba. Mataꝰtano barapo Nacom equeicha asꝰ exana pomonae bayatha werapa. Mataꝰtano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abꝰ jopa forotsiyo bapocotsiwan.

¹⁸ Abraham poxonae nawei wetaba xua jopa itacꝰpaetsi xua pexeinaewa pexui, awiya cataunxuae yabara jume cowꝰntsiya wꝰnae ewata pocotsiwa Nacom exanapaeba. Bapon jume cowꝰntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowꝰnta pocotsiwa Nacom exanapaeba pocotsiwa yabara tsiwꝰnae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyꝰn. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom.

¹⁹ Abraham jopa jꝰntꝰ coyene natsepaeyo xua peyabara jume cowꝰntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon

irꝫ piowa tatsi Sara bara imoxoyo methaunxuae tꝫpaenabe. Abraham piseuribe bichocono perunbe. Matautano yaputaneno xua Sara jopa itacꝫpaetsi xua pexui pexeinaewa.

²⁰ Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cowꝫntsiwa pocotsiwa Nacom exanapaeba xua pocotsiwa Nacom yabara tsiwꝫnae muxu duta xua pinae Abraham pexanto xeinaena. Jame bapon Abraham beta xaniwaicha jume cocowꝫntapona. Abraham wꝫnae jaintapona Nacom.

²¹ Baxua Abraham exanapona poxoru bara yatsicaewa yaputane xua Nacom itacꝫpatsi xua peexanaewa pocotsiwa xua bapon yabara tsiwꝫnae muxu duta.

²² Abraham peyabara jume cowꝫntsixae pocotsiwa Nacom exanapaeba, daxota bapon Nacom tsitatsi xua bapon bara peyabara jꝫntꝫ coyene tsita xanepanaeinchi xua jopa petsita natsicuentisixaetsi abe peexanaexae bapontha.

²³ Po jumein xua bayatha Abraham yabara pae-batsi xua jeye: “Nacom tsitatsi xua bapon bara pejꝫntꝫ coyene xanepanaein xua jopa petsita natsicuentisixaetsi abe peexanaexae bapontha”, jei, barapo jumein jopa meisa tinaeyo xua bapon nexa.

²⁴ Barapo jumein xua po jumein tina apara irꝫ bara waxainchi nexa xua naca yabara paebarꝫ. Wajume cowꝫntsixae Nacom, daxota Nacom tsitatsi xua bara waxainchi irꝫ wajꝫntꝫ coyene xanepanae jiwichi xua jopa watsita natsicuentisiwatsi xua abe waexanaexae bapontha. Wax-

ainchi yabara jume cowuntatsi pocotsiwa Nacom exanapaeba, pon Jesús asu exanatsi petupaе cuiru coyene weya, pon Wanacanamataxeinaein.

²⁵ Nacom itoroba xua bapon Jesús naca tsitupa abe waexana cuiru coyenewan. Matautano Nacom asu exanano, xua Jesús asu petupaе cuiru coyene weya xua wanaca cana exanaenexa xua jopa Nacom watsita natsicuentsiwa tsane xua abe waexanaexae bapontha.

5

Meje yabara xua Nacom wanaca cana exanaewa xua jopa wanatsicuentsiwa tsane bapontha, xua abe waexanaexae

¹ Nacom naca cana exana xua bapon jopa watsita natsicuentsiwa tsane abe waexanaexae bapontha. Baxua Nacom naca cana exana wayabara jume cowuntsixae pocotsiwa Nacom exanapaeba. Daxota waxainchi junteма dubenanaebiyatsi Nacom peitutha tatsi Jesucristo wanaca tsitupaexae, pon Wanacanamataxeinaeinxae.

² Cristo wajume cowuntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae ajuntucoyenesuya jinompatsi. Yawa waxainchi juntu coyene weiweinatsi wawunaе ewatsixae xua bexa iru xeinaeinchi pebaru cui itura jinaewa po pebaru cui itura jinaewa jiwі Nacom tsita xeinatsi peainya cuinxae icha bapon ichi.

³ Jopa meisa baxua nexiyo, jame yawa juntu coyene weiweineibatsi poxonae ichamonae naca atene exaneiba. Tsipei waxainchi yaputainchi

xua wanaca jũntũ coyene ayapusũ exanaewa xua daxota jopa waaitaconaewa poxonae bequein ichamona naca atene exana.

⁴ Poxonae ajũntũcoyenyapusũya jinompatsi xua daxota jopa waaitaconaewa poxonae bequein ichamona naca atene exana, baroxonae Nacom naca weyatane xua bara beta waexanaewa. Poxonae Nacom naca weyatane, baxua naca cana exana xua wawũnae ewatsiya ewatsiwatsi xua Nacom nacata exanaena pocotsiwa yabara naca tsiwũnae muxu duta.

⁵ Barapo wawũnae ewatsiwa jopa naca jũntũ coyene cana exanaeyo xua wajũntũ coyene wecoyeiwa xua jopa wataexae pocotsiwa wawũnae ewatsiwa. Nacom bichocono naca jũntũ coyene yũca cana exana pia peantobe coyenewa pia Pejumope tũnaxũtha. Barapo pia Pejumope tũnaxũ tatsi naca nacana jumope cata wajũntũ coyenewatha.

⁶ Poxonae waxainchi jopa naca itacũpaeyo xua wacoutha wanacapanenebiwa, baroxonae Cristo naca tsitũpa abe waexanae cuiru coyenewan nexa. Bapon Cristo tũpa poxonae po mataqueitha Nacom copata xua bapon petũpaewa tsaneba.

⁷ Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichũn peita araranaewatsi xua peyapu cabocaewa xua daxota petũpaewa bequein barapo ichũn daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiũntabe, jopa ichipaeyo xua petũpaewa. Ichitha ichacuitha tsipae metha jiton yaita araranaetsipa xua peyapu cabocaewa

xua daxota petupaewa pon xanepanaya petaex-
anaein ichamonaē.

⁸ Jame Nacom xaniwaicha naca tsita itapeinya
xeina pia wanaca antobexae. Baxua Nacom naca
cana exana poxonaē Cristo naca yapu caboca xua
wanaca tsitupaewa bara bequein cataunxuae abe
waexanaē jiwichi.

⁹ Nacom naca exana xua waxainchi pejuntū
coyene xanepanaē jiwichi xua poxonaē jopa
natsicuentisichi bapontha abe waexanaexae, xua
poxonaē Cristo naca tsitupa. Bapoxonaē yawa
jana pichapabarena. Barichi icha coyenewano
exanaenano. Cristo naca yaputane exana
xua wanaca capanenebiwa tsane Nacom pia
pewanaca casebiwa weya. Po mataqueitha
Nacom yabara paebina daxita jiwī xua
penatsicuentisiwa xua abe peexanaexae, barapo
mataqueitha Nacomtha jopa natsicuentisi tsainchi
xua abe waexanaexae.

¹⁰ Copiyatha waxainchi Nacom pia
peaitafaetabi jiwichi. Ichitha bapon Nacom naca
cana exana xua waita coxonaewa xua daxota
Nacom pia jiwī tatsi wanaexanaenexa, Pexanto
tatsi pewanaca tsitupaexae. Ichitha anoxuae
Nacom pia jiwī tatsixaetsi, Jesucristo naca
capanenebiya pia peasū poponaē coyenewatha.

¹¹ Jopa meisa baxuiyo, jame juntū coyene wei-
weinatsino Nacomtha xua xuan Jesucristo peex-
anaexae waxainchi nexa, pon Wanacanamatax-
einaein. Bapon Cristo naca cana exana xua wax-
ainchi Nacom wanaca ita coxonaewa xua daxota
Nacom pia jiwī tatsi wanaca cana exanaewa.

Meje xua Adán yabara irū Cristo yabara

¹² Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana.

¹³ Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuentsti coyenewa bapontha bequein barapomonae abe exanaetha.

¹⁴ Ichitha po dapaetha poxonae Adán popona weya xua beya poxonae iru Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyó icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeicapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

¹⁵ Pocotsi coyene xua Adán naca tsiexana jopa be ichiyó xua pocotsi coyene naca tsiexana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po

coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha.

16 Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi.

17 Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuentisi coyenewa bapontha bequein barapomonae abe exana taetha. Barapomonae Jesucristo ayapusuya nanabarũ

yawa popona penanabarũ yawa itorobinexa tsane ichamonaetha.

¹⁸ Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonae pejume cowantsixae Jesucristo itacupatsi xua ataya asũ jinompaena.

¹⁹ Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najantũ coyene xanepana exanapona Nacomtha. Mataũta barapomona Nacom capanenebiya exana xua pia penatsicuentisi coyenewa weya, xua abe peexanaexae.

²⁰ Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponae jiwi poxonae jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponae xua peyawenaenexatsi barapomona.

²¹ Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi

coyenewa xua abe peexanaexae. Nacom jiwi catatsi peajuntuyarusu coyenewa po peajuntuyarusuwa ataya tsiteca Jesucristo pon Wanacanamataxeinaein wanaca tsitupaexae.

6

Meje yabara xua waxainchi asu jinompatsi caemonae wanaexanaexae Cristotha

¹ Waxainchi jopa bewa abe eexanaponaeinchi xua Nacom wanaca yayawenaponae nexa xua daxota wayaputaenexa xua bara Nacom naca antobe.

² Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa.

³ Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jestha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa.

⁴ Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cuiru coyene weya, Nacom bara naca ichi tsane. Nacom Cristo paxa asu cana exanatsi pia

peitɔpanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitɔpanae coicha ayapusu itorobi coyenewatha.

⁵ Tsipei waxainchi be caemonae nanaexanaeinchi po petɔpae coyenewatha poxonae bapon tɔpa. Barichi tsane poxonae equeicha asu naca exanaena petɔpae cuiru coyene weya icha matha Cristo ichichi poxonae asu exainchi petɔpae cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petɔpae cuiru coyene weya, naca barichi tsane. Nacom equeicha asu naca exanaena petɔpae cuiru coyene weya caemonae wananaexanaexaetsi Cristotha poxonae be naca yawa tɔpa Cristo.

⁶ Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tɔpa exanadutatsi naetha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane.

⁷ Daxota ba pon xua bayatha tɔpa jopa itacɔpaetsi xua equeicha abe peexanaewa. Waxainchi barichichi jopa naca itacɔpaeyo xua equeicha abe waexanaewa tsane.

⁸ Waxainchi Cristo naca cayawa tupa, daxota jume cowantatsi xua bexa bapon Cristo baru jinnompaeinchi.

⁹ Waxainchi yaputainchi, xua poxonae Cristo equeicha asu exanatsi petupae cuiru coyene weya, bapoxonae bapana equeicha jopa tupa exanae tsainchi.

¹⁰ Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane.

¹¹ Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nenaexanaexae Cristo Jesustha.

¹² Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan.

¹³ Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi

xua pomonae bayatha werapa xua equeicha asu exanatsi xua jopa equeicha abe exanaeyo.

¹⁴ Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

Meje yabara xua waxainchi bewa exanaetsi pocotsiwa pexainyei coyenewa

¹⁵ ¡Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apará Nacom naca itoroba wanaca yawenaenexa xua wanaca antobexae.

¹⁶ Paxam payaputaneme icha pebin nacaenaeta xua ichichipa exana pocotsiwa xua ichun itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua

itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya jũntũ coyenein xanepana xua jopa painya nenatsicuentisiwa abe painya exanaexae bapontha.

¹⁷ Ichitha baxua yabara Nacom tsipaeban, janje: “Nacom maisa jũntũ coyene weiweinan, barapo Roma tomarapiwi pia peexanaexae. Tsipei copiya Ʃ saya xua abe coyenewan peexanaewi. Ichitha anoxuae barapomonaе cajume cowũnta. Barapomonaе bichocono jume cowũnta pia jũntũ coyenewatha pocotsiwa pexainyei jume xua barapomonaе nacuiduba”, janje Nacomtha.

¹⁸ Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam.

¹⁹ Xan cueicueijan pocotsi jumeintha xua jiwi itacũpatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita jũntũ coyene xanepanaya jinompame.

²⁰ Poxonae cataunxuae saya Ʃ painya neexanaewi abe peexanae coyenewan, bapoxonae jopa Ʃ painya neexanae jiwi pocotsiwa pexanepanae coyenewan.

²¹ Poxonae bayatha peabe coyenewan paex-

aname baraxua apara jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane.

²² Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apara poxonae Nacom paca jũntũ coyene xanepana cana exana bapontha. Mataũtano Nacom paca catsibina pocotsiwa peajũntũcoyenesũwa po peajũntũcoyenesũwa ataya tsiteca.

²³ Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apara po coyene xua peajũntũyarusũ coyene po peajũntũyarusũ coyene ataya tsiteca. Barapo peajũntũyarusũ coyenewa naca cana exana xua caemonae naexainchi Cristo Jesustha, pon Wanacanamateinaein.

7

Meje yabara xua po peitorobi coyenewa poxonaejitha peecaewa yabũyo

¹ Tamonaе pam, pomonaе pam pomonaе irũ painya nejume cowũntsi jiwixae Jesucristotha. Paxam barapomonaе pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonaе cataunxuae jinompa barapo

cae pin nacuathe. Ichitha poxonae jiwi werapa barapomonaē jopa equeicha bewa exanaē pocotsiwa barapo peitorobi coyenewa itoroba.

² Paca tsipaebatsi peyabara jūta paebiwa: Petsiriwa powa xeina piseuri bewa piseuritha cuicuinaē pepaebixae barapo peitorobi coyenewa, xua poxonae pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi.

³ Daxota icha barapowa isa maiteca icha pebin xua nasi cui exana icha pebintha poxonae cataunxuae baru popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatupatsi barapowa itacupatsi xua pepichiwa icha pebin. Barapowa jopa Nacom tsita natsicuentasichi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

⁴ Tamonaē pam, paxam pomonaē iru painya ne-jume cowantsiwixae Jesucristo. Barichi bara jūta ichi poxonae Cristo tupa, paxam iru be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxename ichun pon paca itoroba. Baraxua barichi icha yabayo ichi xua pita icha pebin pon bapowa itorobatsi poxonae piseuri tatsi tatupatsi. Anoxuae paxam Cristo piamonaē tatsi pam, pon equeicha asu exanatsi petupae cuiru coyene weya. Barapo coye-

newatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa.

⁵ Poxonae waxainchi copiya jume cowantatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan poxonae jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane.

⁶ Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntu ba coyene po pena juntu coyene Nacom pia Pejumo pe tunaxu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

Meje yabara xua Pablo jeye: “Meje xua po peabe exanae coyene xeinan”, jei.

⁷ Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeyno xua peabe coyenewa poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca

jeye: “Jopa yabara uwiya paichichipaeinde pocotsiwa xua ichamonae xeina”, jei barapo peitorobi coyenewa.

⁸ Poxonae copiya jume cowuntan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita tajuntu coyenewatha xua taxeinaewa tsane xua ichamonae piawan poxonae jume tan xua jopa bewa ichichipaein tsane xua taxeinaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonae piawan.

⁹ Caena bayatha poxonae jopa yaputaeinyo Moisés pia peitorobi coyenewa xan saya juntea poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara be tatupae coyenewaba tsipei jopa juntea tapoponaewa abe taexanaexae.

¹⁰ Barapo Moisés pia peitorobi coyenewa tatsi Nacom cata xua jiwi pejuntu coyene weiweinaenexa xua poxonae pejuntu coyene xanepanaewa tsane. Poxonae jiwi jume cowuntsiya exana daxita xua barapo coyenewatha itoroba, barapo jiwi bexa tsane xeinaena peajuntu yapusawa xua bara ataya tsane xeinaena. Daichitha barapo coyenewa wecoyei necana exana tsipei bewa tatupae coyenewa tsane poxoru jopa neitacupaeyo xua exanan daxita xua

barapo coyenewa itoroba.

¹¹ Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajuntayapuswa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita ituta xua bewa tɔpaein tanatsicuentsiwaxae abe taexanaexae Nacomtha.

¹² Daxita po peitorobi coyenewan Nacom cata Moiestha daxita bara wɔnae, yawa bara pexainyei coyenewan.

¹³ Barapo Moisés pia peitorobi coyenewa jopa necana exanaeyo xua bewa tɔpaein tanatsicuentsiwaxae abe taexanaexae Nacomtha. Apra jame barapo abe taexanae coyene necana exana xua be tɔpaein tanatsicuentsiwaxae abe taexanaexae Nacomtha. Bequein barapo Moisés pia peitorobi coyene tatsi wɔnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

¹⁴ Yaputainchi xua Moisés pia peitorobi coyenewa tatsi apra xanepana, Nacom weya pejume pichipaexae. Ichitha poxoru saya jiton juntu coyeneya taxeinainxae tajuntu coyene necana exana xua abe taexanaewa.

¹⁵ Tsipei jopa xapain yaputaeinyo pocotsiwa xua exanan, poxoru jopa exanaeinyo pocotsiwa xua xanepana xua pocotsiwa ichichipan xua taex-

anaewa nexa. Ichitha pocotsiwa aichaxaibin xua jopa pexanepanaexae, daichitha apara baxua exaneiban.

¹⁶ Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan.

¹⁷ Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajuntũ coyewatha xeinan, barapo coyene necana exana xua apara abe taexanaewa.

¹⁸ Tsipei xan yaputan xua xeinan jiton pia coyene. Daxota jopa xeinaeinyo pexanepanae coyenewa. Bequein ichichipan xua xanepanaya taexanaewa, ichitha jopa neitacũpaeyo xua baxua exanan tacoutha.

¹⁹ Jopa exanaeinyo po pexanepanae coyenewa bequein ichichipaethan xua taexanaewa. Ichitha Ʃ exanaponan po abe peexanae coyenewan bequein aichaxaibithan xua taexanaewa.

²⁰ Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacũpaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntũ coyewatha xeinan, barapo coyene necana exana xua equeicha mataropeicha abe taexanaewa.

²¹ Daxota nayaputan pocotsiwa exaneiban tajuntũ coyewatha, xua poxonae bequein ichichipan beta taexanaewa tsane bapoxonae abe exaneiban.

22 Bichocono ichichipeiban tajuntũ coyenetha Nacom Pejume Diwesi tatsi.

23 Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

24 ¡Ooo, jopa taxanepanae tsocuaeinyo! ¡Jopa tajuntũ coyene wñnae tsocuaeinyo! ¿Jintam metha necapanepaena barapo tapepon weya po pepon xua bewa tupaena?

25 Daxota Nacomtha janje: “Nacom juntũ coyene weiweinan xua Jesucristo, pon Tanecanamataxeinaein, itacupatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

8

Meje yabara xua peajuntũyapusũya pejinompaewa po peajuntũyapusũwa Nacom pia Pejumope tñnaxũ tatsi naca cata

1 Dapon ajibi pon itacupatsi peyabara paebiwa xua pomonae caemonae penaexanaewi Cristo Jesthata natsicuenta abe peexanaexae Nacomtha.

² Nacom pia Pejumope tɔnaxɔ tatsi naca cata peajɔntɔyapɔsɔwɔ xua wajinompae coyenewanexa xua caemonae xua wanaexanaexaetsi Cristo Jesustha. Barapo Nacom pia Pejumope tɔnaxɔ tatsi neyawena pia peayapɔsɔ itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tɔpa necana exana.

³ Moisés pia peitorobi coyenewa tatsi jopa itacɔpaetsi xua jiwi capanenebiya exainchi abe pia peexanae cuiru coyenein weya. Jiwi jopa itacɔpaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca perɔ coyene jɔpa, po pepontsi xua abe waexanae jiwichi. Poxonae Cristo tsitɔpa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacɔpaenexa tsainchi xua wanaca cana exanaewa tsane xua equeicha abe waexanaewa tsane.

⁴ Nacom baxua exana xua waxainchi wanaca itacɔpaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacɔpa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tɔnaxɔ tatsi wanaca itorobixae.

⁵ Pomonae exana dubenanaebiya pocotsiwa

pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tɯnaxɯ tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa.

⁶ Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Barapomonae barapo jiwi werapaena peexanaexae barapo abe peexanae coyene. Iɯ icha jiwi ba yabara nanta xeina xanepanaya peexanae coyenewan xua pocotsiwan Nacom pia Pejumope tɯnaxɯ tatsi ichichipa, barapomonae xeinaena peajɯntɯyapɯsɯwa po peajɯntɯyapɯsɯwa xua bara ataya tsane. Mataɯtano xeinaena jɯntema pejinompae coyenewa.

⁷ Pomonae saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonae apara Nacom pia peaitafaetabi jiwichi. Barapomonae jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itacɯpaetsi xua peexanaewa barapo coyene.

⁸ Pomonae naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonae Nacom jopa tsita xanepanaetsi.

⁹ Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompame icha

be pocotsi coyeneya Nacom pia Pejumope t̃nax̃ tatsi ichichipa, icha barapo jumope yatsicaewa paca bar̃ jinompa. Pon jopa Nacom pia Pejumope t̃nax̃ tatsi bar̃ poponaetsi, bapon jopa Cristo pijimonae tatsi.

¹⁰ Ichitha icha Cristo paca bar̃ popona, Nacom pia Pejumope t̃nax̃ tatsi paca cana exana xua jopa painya nenatsicuentiswam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nej̃nt̃ coyene xanepanaexae Nacomtha.

¹¹ Nacom pia Pejumope t̃nax̃ tatsi Jesús as̃ exanatsi pet̃pae cuiru coyene weya. Icha Nacom pia Pejumope t̃nax̃ tatsi paca bar̃ popona, bapoxonae Nacom as̃ exanaena painya pepon, po pepon xua werapaena. Baxua Nacom pacata exanaena, icha Nacom pia Pejumope t̃nax̃ tatsi ichi poxonae Cristo as̃ exanatsi pet̃pae cuiru coyene weya. Baxua Nacom exanaena painya nepaca bar̃ jinompaexae Nacom pia Pejumope t̃nax̃ tatsi.

¹² Tamonae pam, paxam pomonae ir̃ painya nejume cow̃ntsiwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane.

¹³ Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonae pawerapaename. Ichitha jame paexana dubenanaebiyama pocotsiwa Nacom pia Pejumope t̃nax̃ tatsi paca cui itoroba xua painya neexanaewa tsane. Bapoxonae jopa paexanaem

pocotsiwan xua painya pepon paca cana exana xua abe painya neexanaewa tsane. Bapoxonae bexa tsane ajuntusuya pajinompaename Nacom pia nacuatheicha.

¹⁴ Daxita pomonae Nacom pia Pejumope tñaxu tatsi itorobiya ewata, barapomonae bara Nacom pia pexui tatsi.

¹⁵ Nacom paca nacana jumope cata. Barapo pejumope jopa paca cana exanaeyo pomonae be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumope tñaxu tatsi paca cana exana xua Nacom pia pexui tatsi pam. Barapo Nacom pia Pejumope tñaxu tatsi naca exana xua barompaya wajeiwa: “Axa”, wajeiwa Nacomtha.

¹⁶ Nacom pia Pejumope tñaxu tatsi iru wajuntu coyenewa natsipaebabe xua pinae bara Nacom pia pexui tatsi wanaexanaewichiba.

¹⁷ Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca juntana jebiwa xua bexa tsane naca catsibina. Barapocotsiwa bayatha yabara naca tsiwanae muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo baru xeinaeinchi pocotsiwa Nacom wanaca juntana jebiwa. Nacom naca catsibebina po pexeinya peitupanae coicha xua bayatha Cristo catatsi.

Meje yabara xua Nacom piamonaetha catsi-caena pia pexeinya peitupanae coicha

¹⁸ Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexeinya peitupanae coicha Jestustha. Barichi naca catsibina barapo pexeinya peitupanae coicha po pexeinya peitupanae coicha xua jopa juniya wunaeyo.

¹⁹ Daxita po jiwi Nacom forota barapo cae pin nacuathe, barapo jiwi wunaey weyataeya ewata po mataqueitha poxona Nacom tsita itutsina piamonae. Nacom tsita itutsina piamonae xua daxita jiwi peyaputaenexa tsane xua xaniwaicha barapomonae apara Nacom pia pexui.

²⁰ Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana juntu coyene weta exana xua pejopaewa tsane matabi po mataqueitha xua barapo cae pin nacue pena nacua naexanaena.

²¹ Barapo cae pin nacuathe xua pena nacua, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom wunaey cana exanaena, icha pijimonaetha cana ichi tsane xua pijimonae tatsi bichocono wunaeya xanepana naexanaena.

²² Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha yabũyo ichi xua bichocono atene poxonae imoxoyo pexuyo tanaexanatsi.

²³ Daxita baxuan meisa jopa ateneyo. Bara irũ waxainchi daxitatsi atenetsi bequein Nacom pia Pejumope tũnaxũ tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajũntũcoyenerewetsi xua jũnthũthũ wecoyeichi, poxonae waxainchi ewatatsi po mataqueitha poxonae Nacom yatsicaewa naca cana exanaena pia pexuichi, xua barichino naca catsibinano pena pepon.

²⁴ Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abũ wũnae ewatatsi. Icha waxainchi xeinaeinchi pocotsiwa xua wũnae ewatatsi bapoxonae jopa nantawenonaetsi xua came wũnae ewatatsi, tsipei bayatha xeinaeinchiba. Poxoru jiton ba jopa came wũnae ewatsiyo pocotsiwa xua bayatha xeinaba.

²⁵ Ichitha icha wũnae ewatatsi pocotsiwa xua came jopa xeinaetsi bapoxonae bewa wũnae ewatichi xua jopa bepijawa aitaconaetsi.

²⁶ Barichi Nacom pia Pejumope tũnaxũ tatsi naca yawena tsipei waxainchi wajũntũ coyene faefaenaewi. Waxainchi jopa yaputaetsi xua betiya cuitiya wũcatsi Nacom. Ichitha poxonae jũntũ coyene bojeichi, poxoru jopa wanaca itacũpaewa xua po jumetha wacaunutsiwa,

baroxonae Nacom pia Pejumope tɯnaxɯ tatsi nacata wɯca Nacomtha.

²⁷ Nacom, bapon yaputane pocotsiwa xua jiwi pia jɯntɯ coyenewatha nanta xeina. Matautano barapon yaputane pocotsiwa Nacom pia Pejumope tɯnaxɯ tatsi ichichipa paeba jiwi nexa. Nacom pia Pejumope tɯnaxɯ tatsi Nacom wɯcatsi icha be pocotsi coyeneya Nacom ichichipa pomonae xua Nacom piamonae tatsi nexa.

Meje yabara xua waxainchi amanayabatsi po coyenein xua bequein naca atene exana

²⁸ Waxainchi yaputainchi xua daxita po coyenein xua nacata exana bequein wɯnae, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonae pia peantobexaetsi. Barapomonae Nacom waba petaexanaewa tsainchi pocotsiwa bapon ichichipa.

²⁹ Caena bayatha poxonae aena nacua forota, Nacom tsiwana yaputane barapomonae pomonae pejume cowɯntsiwichi tsainchi. Matautano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi.

³⁰ Pomonae xua Nacom itapeta xua caena bayatha xua copiya poxonae aena nacua forota, bara yawano Nacom waba xua peexanaenexa pia pexui tatsi. Pomonae Nacom pewabixae bara yawano exana xua barapomonae jopa penatsicuentsiwa xua abe peexanaexae

pecatsixae pejuṅtu coyene xanepanaewa bapontha. Pomonae xua Nacom pejuṅtu coyene xanepana exanaexae, bara yawano yabara tsiwṅnae muxu duta xua barapomonae naexanaena icha be Nacom Pexanto tatsi ichi.

³¹ Anoxuae waxainchi yaputainchi xua Nacom naca yawena daxota dapon ajibi pon naca juṅtu coyene amanayaba xua abe wanaca exanaenexa.

³² Poxoru Nacom Pexanto jopa asiwiyo daxota Nacom copata xua wanaca tsitṅpaenexa. Daxita waxainchi yaputaeinchi xua daxota daxitan coyenein Nacom amanaya naca catsiba po coyenein canamatawenonatsi.

³³ Dapon ajibi xua itacṅpatsi yabara paeba xua pinae Nacom tsita natsicuentatsi pomonae pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonae tatsi natsicuenttsichi xua abe petsita exanaexaetsi bequein abe exana taetha.

³⁴ Mataṅtano dapon ajibi xua itacṅpatsi yabara paeba xua barapomonae bewa werapaena penatsicuenttsixae xua abe peexanaexae Nacomtha. Barapomonae jopa bewa werapae tsane, tsipei Cristo Jesús tsitṅpa barapomonae, abe peexanaexae Nacomtha. Bapon Cristo Jesús equeicha asṅ exanatsi. Anoxuae eca Nacom pia coxa weya tatsi. Bapon Cristo Jesús Paxatha wṅca xua nacata wṅca.

³⁵ Cristo naca antobe, daxota dapon ajibi pon itacṅpatsi xua tsanayiya naca cana exana Cristo weya. Ichacuitha ichamonae atene wanaca exanaewichitha awiya Cristo naca antobe. Ichacuitha ichamonae daunwei wanacata

exanaewichitha awiya naca antobe. Ichacuitha ichamonae abe wanacata exanaewichiwathatsi wayabara cueicueijeixae Jesús awiya bapon naca antobe. Ichacuitha wajainpaewichiwathatsi awiya naca antobe. Ichacuitha wanacata acoibichiwathatsi paparuwa awiya naca antobe. Ichacuitha wanapeipeichiwathatsi poxonae ichamonae abe nacata exana awiya naca antobe. Ichacuitha ichamonae wanaca jutebichiwathatsi awiya naca antobe. Daxita barapo coyenein jopa cana_upaetsi xua tsanayiya wanaca exanaewa Cristo weya.

³⁶ Icha naca ichi daxita barapo coyenein, barichir_u Nacom Pejume Diwesitha bayatha baxua yabara naca tsiw_unae muxu duta, jeye: “Nacom poxoru tapaca cajume cow_untsi jiwixaetsi daxita maticabin tsaibi ichamonae ichichipa pana jutebeiba. Barapomonae pana necana exaneiba icha jiwi ichi xua poxonae daxita maticabin ovejan capaneiba pon oveja pejutebeibin beya”, jei Nacom Pejume Diwesitha, xua yabara naca tsiw_unae muxu duta.

³⁷ Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapus_u itorobi coyenewatha pon wanaca antobein.

³⁸⁻³⁹ Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae t_upaethatsi,

yawa bara bequein poxonae jinompaethatsi. Irꞥ matatsunpiwi jopa canaꞥpaetsi xua tsanayiya wanaca cana exanaewa, bequein irꞥ caurimonaerꞥ, bequein irꞥ pocotsiwan xua anoxuae exanaponarꞥ, bequein irꞥ xua pocotsiwan bexa tsanerꞥ, bequein irꞥ xua pocotsiwan wetsica patopaenano, bequein irꞥ xua pocotsiwan ira wetsinano, bequein irꞥ ichawano xua pocotsiwa Nacom forota. Bara bequein daxita barapo coyenein, ichitha jopa canaꞥpaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

9

Meje yabara xua Nacom itapeta judiomonae

¹ Pocotsiwan paca tsipaebatsi barapocotsiwan pexainyei jumein. Tajume cowꞥntsixae Cristo, bara jopa naerabinyo. Tajꞥntꞥ coyenetha Nacom pia Pejumoꞥpe tꞥnaxꞥ tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan.

² Xainyan, wecoyan. Bichocono tamonae siwa anthꞥthꞥtanein tsaibi jopa pejume cowꞥntsixae Cristo.

³ Bichocono antobein barapomonae pomonae tanacuapiwi. Daxota nayabara paeban, janje: Bena bequein siwa tꞥpacuaein tamonae xua bequein tsana tanaexanaewa Cristo weya, xua be poxonae Nacom tsita tanatsicuenta siwa xua barapomonae abe pia peexanae coyenewan nexa. Bapoxonae xua Nacom tamonae pia

pecapanenebiyaenexatsi, daxota Nacom copata xua ichamonae nebexubina, najanje.

⁴ Pon Israel, pon caena bayatha tupa, bapon nawun cata tamonaetha. Daxota tamonae “israelmonae”, baraichi. Bapon pia pemomoxi susato jiwi tatsi pomonae tamonaexae Nacom barapomonae pia pexui exana. Barapomonae bayatha Nacom yanta popona xua daxota barapomonae tane Nacom pia pexeinya peitupanae coicha poxonae xua beta exana barapomonae nexa, Nacom tsipaeba barapomonae pocotsiwa xua bapon peichichipaewa. Matautano Nacom yabara tsiwunaee muxu duta pomonaetha pomonae xua ataya yaweneibina barapomonae peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonae po coyene xua barapomonae xaniwaicha wunaee pejainchinexa bapontha. Matautano Nacom yabara tsiwunaee muxu duta barapomonae xua Cristo pepatopeicaewa tsane.

⁵ Barapomonae wamo susato jiwi pia pemomoxi susato jiwi tatsi. Cristo be jiton coyeneya naexana barapomonae jiwana pomonae pia pemomoxi susatopiwi jiwana tatsi. Bapon Cristo apara bara Nacom. Barabu Nacom bara ataya wunaee jainteibinchi pon xua daxita coyeneintha canamataxeina.

⁶ Ichitha barapomonae bequein Nacom cata daxita barapo coyenein, daichitha anoxuae barapomonae jopa Nacom xanepanaya beta tsita jinompaetsi jopa Cristo peyabara jume

cowantsixaetsi. Bequein ichamonae nanta xeinaetsipa xua pinae Nacom Pejume Diwesi jopa ainya cuiyo xua barapomonae jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonae nanta xeina. Baraxua jame tsita itapeinya xeina xua apara jopa daxitiyo pomonae Israel pia pemomoxi susato jiwi tatsi xua Nacom piamonae tatsi.

⁷ Matautano Abraham pia pemomoxi susato jiwi tatsi apara jopa daxitiyo barapomonae xua Nacom piamonae tatsi. Nacom caena bayatha tsipaeba Abrahamtha, jeye: “Xam xeinaename pomonae pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom.

⁸ Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonae pejume cowantsixae xua Nacom pia peyabara tsiwɛnae muxu dutsiwa. Barapomonae jume cowanta Nacom pia peyabara tsiwɛnae muxu dutsiwa xua Cristo capanenebiyaena barapomonae.

⁹ Tsipei Nacom tsipaeba Abrahamtha poxonae yabara tsiwɛnae muxu duta. Nacom jeye: “Barapo xometotha xua icha weitha taitorobi coyenewatha bapoxonae Sara pexanto pabetsina pebin wɛto xua nexanto tsane”, jei Nacom.

¹⁰ Jopa meisa baxuiyo, ichawano Nacom exana. Sara pexanto tatsi naexana pewɛn Isaac. Poxonae Isaac pinyo, bapon nacueyoba piowa, pewɛn Rebeca. Rebeca tanama ecatsibe pebin

wɔtobe. Barapo pexuyobe cae axa nantaɔtabe bapon Isaac, pon wamo susatopin.

¹¹⁻¹³ Caena bayatha pewɔnaeya poxonaē barapoyobe jopa naexanaebe, xuano pewɔnaeya xua poxonaē barapoyobe jopa abe exanaeyobe mataɔtano pewɔnaeya xua poxonaē jopa wɔnae exanaebe, baroxonaē Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jɔpabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematatan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonae xua peichichipaewa, xua pewabiwa barapomonae. Nacom jopa yabara itapetsiyo barapomonae peexanaexae pocotsiwa Nacom peichichipaewa.

¹⁴ Ichamonae paeba, xua pinae Nacom jopa xapain exanaeyo poxonaē caein jiwana itapeta, xua poxonaē ichɔn naitematatsi. Apra jopa xapain wɔnaeyo xua barapomonae Nacom yabara paebatsi.

¹⁵ Tsipei Nacom paeba Moiestha, jeye: “Pomonae wɔnaeya yabara nanta xeinaein xua tayawenaenexa, barapomonae beta yawenaein”, jei Nacom.

¹⁶ Baxua naca cuiduba xua jopa jiton itapetichi poxoru wɔnae peexanaexae. Mataɔtano jopa itapetichi xua poxoru peichichipaexae xua

peitapetsiwatsi. Saya jame pebiwi itapetatsi poxonae Nacom wɪnaeya yabara nanta xeina xua peyawenaenexa tsane barapomonaе.

¹⁷ Nacom cueicueijeі pejume diwesitha nacua peewatsintha pon Egipto nacuapiwi itorobiya pia pepa peewatsinchi. Nacom jeje bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itatsi coyenewa exanaein xua tsita itapeinya xeinaein xua xan xeinan bichocono peayapusɯ itorobi coyenewa. Matautano exanaein xua daxitan nacuan jiwi taneyabara jume taenexa”, jeі Nacom.

¹⁸ Daxota yaputainchi xua Nacom itacɯpatsi xua wɪnaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichɯn pejuntɯ coyenetha pexeinaewa po coyene pejumefebi coyenewa. Baxuan Nacom cana exana pomonaetha pomonaе Nacom ichichipa xua xeinaena barapo coyenein.

¹⁹ Metha paxam pana nebaram xua barapomonaе yabara xua pajam: “Poxonae Nacom atene exana pomonaetha pomonaе petsita natsicuentsixaetsi xua abe peexanaexae ʒbaxua Nacom jopa xaniwaicha exanaeyo jampa? Nacom copata xua barapomonaе xeina pejuntɯ coyeneintha pejumefebi coyenewan. ʒBarapomonaе Nacom tsita natsicuentatsi jampa, poxonae Nacom bequein copata baxua jampa?” pajam.

²⁰ Ichitha paca jume notatsi, janje: “iPaxam pe-

biwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacɥpaetsi xua pejeiwa pontha pon peexanaex-aetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacɥpaetsi xua pepaebiwa baxua”, paca jechi.

²¹ Pon xua juruwato peexanaein bapon itacɥpatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacɥpatsi xua pexeinya juruwato exana xua bichocono ainya matoma. Matautano bapon itacɥpatsi xua bara cana exana xua jopa wɥnaeyo xua saya pecasetsinexa.

²² Nacom barichi itacɥpatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita ituta pia peanaepanaewa pomonaetha pomonae abe peexanaewi, ichitha jopa cataunxuae baxua exanaeyo. Matautano bequein ichichipa tsita ituta pia peayapusɥ itorobi coyenewa po coyene xua barapomonaetha tɥpa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitemaya taetaepona xua barapomonaetha abe pia peexanae coyenewan, po abe coyenewan xua Nacom anaepana exanatsi. Barapomonaetha muxu peweraweracae exanaetsi abe peexanaexae.

²³ Nacom beitemaya naca taetaepona wanaca tsita itutsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwɥnaeta xua irɥ wax-

einaenexa Nacom pia pexeinya jantũ coyenewa xua bichocono peantobewa.

²⁴ Nacom naca waba pomonaexaetsi pomonae judiomonae jiwanatsi. Matautano Nacom naca waba pomonaexaetsi pomonae jopa judiomonae naexanaeyo jiwanatsi.

²⁵ Baxua Nacom yabara paeba pejume diwesitha pomonae yabara, pomonae jopa judiomonae naexanaeyo po diwesitha ichaxota Oseas tina. Nacom jeye:

“Pomonae copiya jopa tamonaeyo, barapomonae yabara jan tsane, ‘Apara tamonae’, jan tsane.

Matautano pomonae copiya jopa antobeinyo barapomonae yabara jan tsane:

‘Apara taantobe jiwi’, jan tsane.

²⁶ Matautano ichaxota ba jiwi yabara jan: ‘Paxam jopa tamonae pam’, jan, baraxota barapomonae yabara jan tsane: ‘Apara paxam tapexui pam, po Nacomxaein ataya tsitecaeya jiwi asũ jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tupa.

²⁷ Barichi irũ Isaías yabara jeye judiomonae: “Bequein judiomonae bichocono jiwi ayaxa icha taetowan ichi xua bobena mar mene itapatha, dai-chitha saya be conotha barapo judiomonae jiwana pomonae xua Nacom capanenebiya.

²⁸ Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentsixaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías.

²⁹ Isaías copiya yabara tsiwũnae muxu duta, jeye:

“Nacom apara bapon pon xua itoroba
daxita coyeneintha.

Bapon wunaeya naca yabara nanta xeina xua
wanaca yawenaewa tsane xua awiya be
conotha pejinompaenexa pomonae wamomoxi
susato jiwi jiwana, xua daxita
jopa peweraweracaewa tsane.

Icha Nacom jopa baxua exanaetsipae, bapoxonae
waxainchi bara naca jata ichipae icha bayatha
Sodoma tomarapiwi cana ichichi, matautano icha
matha Gomorra tomarapiwi cana ichichi xua
daxita weraweraca”, jei Isaías
Nacom Pejume Diwesitha.

*Meje yabara xua judiomonae jopa jume
cowuntsiyo Nacom pia pexeinya jume diwesi tatsi*

³⁰ Barapo peyabara jutiya paebiwana naca
yaputane exana xua apara pomonae jopa
judiomonae naexanaeyo Nacom jopa tsitatsi
xua barapomonae penatsicuentiwa xua abe
peexanaexae. Baxua Nacom cana exana
barapomonaetha bequein barapomonae jopa
tsaqueinaeyo xua pexeinaewa pejuntũ coyene
xanepanaewa Nacomtha. Barapomonae xeina
pejuntũ coyene xanepanaewa Nacomtha Cristo
pejume cowuntsixaetsi.

³¹ Ichitha nama barapo judiomonae paeba, jeye:
“Nacom naca juntũ coyene xanepana exanaena
xua jopa Nacom watsita natsicuentinexatsi xua
abe waexanaexaetsi bapontha. Bapon baxua
naca cana exanaena icha exanaeinchi pocot-
siwa Moisés pia peitorobi coyenewatha itoroba”,

jei barapomonaē. Daichitha barapomonaē judiomonaē jopa itacupaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha.

³² ¿Eta xua metha jane xua barapomonaē jopa itacupaetsi xua exana pocotsiwa Moisés pia peitorobi coyenewatha itoroba? Metha poxoru barapomonaē nanta xeina xua poxonaē beta exana bapoxonaē jopa pexeinaewa tsane penatsicuentisiwa Nacomtha. Barapomonaē jopa jume cowantsiyo xua Nacom itorobica Cristo, daxota barapomonaē Nacom tsita natsicuentatsi xua abe petsita exanaexaetsi. Barapomonaē nacabeta exana, poxonaē jopa jume cowantsiyo Nacom, atene peexanaexaetsi tsane icha jiton ichi poxonaē xuirapopa ibototha xua pia coutha nacabeta exana xua atene naexana.

³³ Nacom Cristo yabara paebatsi pejume diwesitha. Icha jiwi ichi poxonaē nacabeta poxonaē xuirabathopa ibototha, barichi jiwi nacabeta poxonaē Cristo jopa jume cowantichi. Nacom jeye:

“Jerusalén tomaratha po tomara atororo

xua po tomara pewun Sión

barapo tomaratha notsin pon

jiwi pecapanenebiyaenexa tsainchi.

Jiwi nacabeta exana poxoru barapo jiwi

jopa jume cowantsiyo bapontha,

icha jiwi ichi xua nacabeta exana

poxonaē xuirabathopa ibototha.

Pon jume cowantsina bapontha, jopa bapana

juntá natsepanayae tsane”, jei Nacom.

10

¹ Tamonaē pam, paxam pomonaē iru painya nejume cowuntsiwixae Jesucristo. Maisa bichocono tajuntu coyenewatha ichichipan daxota bichocono Nacomtha tsipaeban judiomonaē nexa, xua barapomonaē pecapanenebiyaenexa tsainchi abe pia peexanaē cuiru coyenein weya.

² Barapomonaē yabara paeban xua barapomonaē judiomonaē bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonaē peexanaewa.

³ Barapomonaē jopa yabara yaputaeyo xua pocotsiwa poxonaē Nacom juntu coyene xanepana exana jiwitha xua jopa xeinaeyo penatsicuentiwa Nacomtha xua abe peexanaexae. Barapomonaē jujuta xua icha barompaya pia cui coyeneyatha exanaena xua bapoxonaē pexeinaenexa tsane pejuntu coyene xanepanaewa Nacomtha xua jopa penatsicuentiwa xua abe peexanaexae. Barapomonaē jopa exanaeyo be pocotsi coyene Nacom itoroba jiwitha xua Cristo pejume cowuntsixaetsi xua bapoxonaē jiwi pexeinaenexa pejuntu coyene xanepanaewa Nacomtha.

⁴ Barapomonaē jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonaē yabara jume cuiya exanaena pinae xeinaena pejuntu coyene

xanepanaewa.

⁵ Caena bayatha Moisés yabara paeba xua pinae pia peitorobi coyene tatsi itacupatsi xua jiwi juntu coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxonae bapon bara ataya tsitecaeya poponaena peajuntuayapusu coyenewatha”, jei Moisés.

⁶ Nacom Pejume Diwesitha yabara paeba pomonae jopa xeinaeyo penatsicuentisiwa Nacomtha pejume cowuntsixae Cristotha. Nacom jeye: “Jopa pananthuthu yainyabinde, jopa pajande: ‘Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopa pajande.

⁷ Matautano jopa pajande: ‘Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?’ jopa pajande”, jei Nacom.

⁸ Nacom equeicha pejume diwesitha pejuntu coyene xanepanaewa yabara jeye: “Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowuntsiwa.

⁹ Icha paichichipame xua Nacom painya nepaca capanenebiwa bewa paexanaename barapo

coyewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya nejuntũ coyeneintha xua Nacom Jesús equeicha asũ exanatsi petũpae cuiru coyene weya. Bapoxonae Nacom paca capanenebiyaena abe painya neexanae coyewan weya.

¹⁰ Poxonae jiton jume cowanta pia juntũ coyewatha Jesthã bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueijei xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyewan weya.

¹¹ Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopa bapana juntũ coyene natsepanayae tsane”, jei Nacom, xua pejume diwesitha.

¹² Nacom jopa tsita seicayatsi daxita jiwi, bara saya tsita najũpatsi, bequein bara metha judiomonae tsipae irũno metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewũcae jiwixaetsi.

¹³ Tsipei Nacom Pejume Diwesitha jeye: “Daxita pomonae wũca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi”, jei Nacom.

¹⁴ Jiwi jopa itacũpaetsi xua petsipaebiwa pon-

tha pon jiwi Pecanamataxeinaein icha jopa jume cowantsiyo bapontha. Matautano jopa itacupaetsi xua pejume cowantsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacupaetsi xua peyabara jume yaputaewa bapon icha ichamonae jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein.

¹⁵ Matautano jiwi jopa itacupaetsi xua pecueicueijeinexa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonae aetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wuna xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

¹⁶ Daichitha jopa daxita jiwiyo xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías.

¹⁷ Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

¹⁸ Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara,

apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom Pejume Diwesi taju beya.

Po diwesin xua barapomonae paeba taju beya jume pichapapona daxita barapo cae pin nacuathe”, jei Nacom Pejume Diwesitha.

¹⁹ Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwinae muxu duta. Moisés tatina Nacom, xua Nacom jeye:

“Ichamonae capanenebiyan pomonae jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae jopa bichocono peyaputae jiwi.

Paxam paca exanatsi xua baxua paca anaepana exana, jei Nacom”, xua Moisés tatina.

²⁰ Baroxonae iru pirapae Isaías atsaquiya yabara tsiwinae muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara barapomonae cana exanan xua barapomonae neyaputane”, jei Nacom, xua Isaías tatina.

²¹ Equeicha Isaías yabara tsiwinae muxu duta judiomonae Nacom nexa, xua Nacom jeye: “Daxita matabi wabeiban barapomonae.

Ichitha barapomonae jopa exaneibiyo pocotsiwa itorobeiban tsipei barapomonae tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

11

*Meje yabara xua Nacom itapeta judiomon-
aepiwi pomonae Israel pon caena bayatha tupa
bapon piamonae tatsi*

¹ Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwana pin, daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara.

² Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye:

³ “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume pepaebiwi. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwanan. Iruru barapomonae

ichichipa nebexubarũ”, jei Elías poxonae tsipaeba Nacomtha.

⁴ Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonaе, pomonaе tanejume cowantsi jiwi. Barapomonaе jopa pentabocototha ume-naeyo xua poxonae wunaе pejainchinexa ibo nacom, po ibo nacom pewun Baal”, jei Nacom.

⁵ Nama anoxuae awiya barichi israelmonae be conotha pomonaе jume cowanta Nacomtha pomonaе Nacom peitapetsiwi, pia peantobexae barapomonaе.

⁶ Nacom itapeta barapomonaе, pomonaetha pomonaе peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonaе, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonaе Nacom be jopa bapana amanaya exanaeyo jiwi nexa.

⁷ Daxota yaputainchi xua pinmonae xua barapo israelmonae jiwana jopa catsibichi pejuntũ coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonaе peitapetsiwixae, xua pomonaе israelmonae jiwana. Barapomonaе, pomonaе israelmonae jiwana barapomonaе Nacom jopa catsibiyo barapo pejuntũ coyene xanepanaewa. Nacom copata xua barapomonaе pejuntũ coyenewatha xeina pejume torobabi coyenewa.

8 Nacom Pejume Diwesitha Moisés yabara paeba barapomonaē. Moisés jeye: “Nacom copata xua barapomonaē xeinaena po jũntũ coyene jopa itacũpaetsi xua peyaputaewa. Bequein barapomonaē yoroba xua pejume xainyei coyenewa daichitha jopa yaputaeyo. Mataũta bequein barapomonaē jume tane pexainyei jume daichitha jopa jume cowũntsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha.

9 Irũrũ David yabara paeba israelmonaē poxonae Nacom tapaebatsi. David jeye: “Barapomonaē beitatemaya jũntũ coyene weiweinapona pin penabanaewantha. Barapomonaē nanta xeina xua jopa catsita natsicuentisiyo xua abe peexanaexae. Poxonae barapomonaē cataunxuae eexanapona baxua barabũ xam Nacom jemeicha atene cana exanaename barapomonaē, jopa pia necajume cowũntsixae.

10 Daxota barabũ copatsiname xua barapomonaē israelmonaē jopa yaputaeyo po coyene xua barapomonaē catsita natsicuenta abe necatsita exanaexae. Mataũtano barabũ copatsiname xua barapomonaē xeinaena po peatene coyenewa anthũthũrewewe cana exanatsi xua ataya, abe peexanaexae”, jei David, israelmonaē yabara, Nacom Pejume Diwesitha.

Meje yabara xua pomonaē jopa judiomonaē naexanaeyo Nacom jume cowũntatsi

11 Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowantsixaetsi ¿metha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae.

12 Poxoru judiomonae Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonae jopa Nacom pejume cowantsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowantsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

13 Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo,

pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui.

¹⁴ Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa.

¹⁵ Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wunae tsane be poxonae jiwi equeicha asu exanatsi petupae cuiru coyene weya.

¹⁶ Ainya pecayabara juta pepaebi diwesiyo be paca tsipaebatsi. Poxonae jiwi ba pentubu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwi ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi juta coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

¹⁷ Equeicha pecayabara juta pepaebi diwesiyo

paca tsipaebatsi. Jiwi itacupatsi xua olivo nae jiwana maxuranaan weucuboba po nae ubanota pabitha xua bebai. Icha olivo nae maxuranaan jiwana weucuboba, po nae untha uncua. Barapo maxuranaan wantha japateita cuntsiya duba po naetha po nae uncua pabitha, po nae copiya jiwana maxuranaan bebai. Barapo nae tabu opinan aisa cana exana xua barapo maxuranaan beta nacoita tsipei mene nota barapo nae tabu opina tsina. Bara juta coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowuntsixaetsi xua baroxonae Nacom paca cana exana piamonae tatsi pam. Nacom paca cana exana xua peajuntayapuswa painya nexainaewa painya nejume cowuntsixae Jesucristo. Barapo coyene icha be poxonae pe-maxuranaan cana ichichi poxonae aisa cana exainchi pemene notsixae petabu opinan tsina, xua beta xu xuwa exana pena maxuranatha.

¹⁸ Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara juta paebiwa. Barapo maxuranaan jopa apara nacoita exanaeyo barapo nae tabu opina deca. Jame apara barapo nae tabu opina nacoita exaneina barapo maxuranantha.

¹⁹ Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae.

²⁰ Metha moya bara xainyei tsipae. Bara Nacom torota barapomonae judiomonae jopa pejume cowantsiwixaetsi Jesucristo. Paxam Nacom piamonae tatsi paca cana exana, tsipei saya apara pajume cowantame Jesucristo, saya meisa baxuaxae. Jopa pana najuntu coyene yabara atsacande xua painya nexeinaexae pocotsiwa Nacom paca cata. Jame saya dota pam xua jopa xanepanaeya pajume cowantsim Jesucristo xua daxota Nacom painya nepaca torotsiwa tsane. Jiwi pemaxuranan ucubobiya bebai po nae pabitha uncua.

²¹ Bara juta coyene ichi, Nacom torota judiomonae pomonae copiya piamonaexae tatsi jopa pejume cowantsixae Jesucristo. Nacom bara paca ichipae paca torotsipa icha jopa pajume cowantsipaem.

²² Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentsiwa pomonae xua jopa pejume cowantsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowanta dubenanaebiyaename. Ichitha icha awiya jopa pajume cocowantaponaem tsane Nacom paca torotsina.

²³ Matautano Nacom itacupatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowantsinchi.

Nacom baxua cana exanaena icha jiton ichi xua equeicha caewa pecoutha japateita cutanota wantha pemaxurana, po maxurana bequein ucuibiya xuba.

²⁴ Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxurana ucuiba. Equeicha barapo maxurana icha olivo nae maxurana wantha japateita cutsiya duta po olivo nae pabitha ubanota. Vapoxonae barapo unupi olivo nae maxuranatha pexeinya thei xuwa. Ichitha icha pebin equeicha pita po maxurana xua ucuiba pepa olivo nae weya yawa equeicha caewa pecoutha japateita cutanota wantha, barapo maxurana beta xuwa beyacaincha xua xuwa unupi olivo nae maxurana poxonae japateita cutanota wantha. Icha pebin ichi, Nacom bara itacuratsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

Mejeyabara xua Nacom bexa tsane israelmonae capanenebiya tsainchi

²⁵ Tamonae pam, paxam pomonae iru painya nejume cowuntsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya

nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntũ coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonae abũ daxita carepaya jume cowantsina Nacom pomonae jopa judiomonae naexanaeyo pomonae Nacom itapeta, baroxonae equeicha judiomonae jume cowantsina.

²⁶ Baroxonae daxita israelmonaexae pomonae judiomonaexae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae

jiwanatha pomonae Siõn tomara wunmonae.

Bapon juntũ coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonae israelmonaexae.

²⁷ Juntũ coyene wepichin barapo judiomonae abe pia peexanae cuiru coyenewan tatsi.

Barapoxonae cayabara jume weta exanaein pocotsiwa caena bayatha yabara tsiwunae muxu dutan barapomonae pia pamo susato jitontha

tatsi pon pewun Jacob, pon Israelxae”,
jei Nacom Pejume Diwesitha.

²⁸ Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowantsiyo Nacom pia pexeinya jume diwesi tatsi po diwesi Cristo

pepatopaewa yabara. Tsipei barapomonaē baxua exana, daxota paxam pomonaē jopa judiomonaē naexanaeyo pam, bara paca itac̄pa xua painya nejume cowantsiwa Cristo. Ichitha barapo israelmonaē Nacom caena bayatha copiya itapeta. Barapo israelmonaē awiya Nacom antobe, pia pamo susato jiwi tatsi copiya peitapetsixaetsi.

²⁹ Tsipei Nacom jopa ichawa beya paebiyō. Pocotsiwa Nacom cata equeicha jopa caewa pichiyo. Pomonaē Nacom itapeta equeicha jopa itawetsiyo.

³⁰ Paxam pomonaē jopa judiomonaē painya nenaexanaewi pam, copiya paxam jopa painya neexanaē jiwi pam pocotsiwa Nacom paca itoroba. Daichitha anoxuae judiomonaē jopa peexanaexae pocotsiwa Nacom itoroba, daxota Nacom w̄naeya paca yabara nanta xeina pia nepaca cayawenaewa tsane.

³¹ Ichitha anoxuae bequein barapomonaē judiomonaē jopa exanaeyo pocotsiwa xua Nacom ichichipa, bexa tsane barapomonaē judiomonaē jume cowantsina. Poxonaē baxua exanaena Nacom, xua w̄naeya paca yabara nanta xeina pia nepaca cayawenaewa tsane iru w̄naeya yabara nanta xeinaena peyawenaenexa tsane xua barapomonaē peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonaē Nacom pacata exana.

³² Nacom bara copata xua daxita jiwi bara naj̄pa xua penatsicuentiwa xua jopa pejume cowantsixaetsi. Nacom bara baxua copata, xua penanta j̄piya yawenaenexa daxita jiwi, peanto-

bexae.

³³ ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwunaeyo yaputaeyo peyaputae coyenein xua bexa exanaena! ¡Dapon ajibi pon itacupatsi xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacupatsi xua peyaputaewa Nacom pia cui coyenewan tatsi!

³⁴ Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Matautano dapon ajibi, pon xua Nacom pecuidubiwatsi.

³⁵ Matautano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi.

³⁶ Apra daxita coyenein Nacom forota. Nacom canamataxeina pia peyapusu itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabu Nacom wanae jainteibatsi xua ataya tsaibi tsane! ¡Je, bara ichi tsane!

12

*Meje yabara xua wajinompawa wataex-
anaenexa Nacom*

¹ Tamonaeyo pam, paxam pomonaeyo iru painya nejume cowantsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca

itorobatsi daxita pam. Pana najuntũ coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asũ cata xua pebexubinexa Nacom nexa. Poxonae pana najuntũ coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wũnae pajaintsiname Nacom painya juntũ coyeneintha.

² Jopa bara paichiponaeinde xua abe paexanaponame po coyenewan icha ichi xua exana dubenanaebiya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha juntũ coyene paxeiname xua beta painya nenanta xeinaponaenexam tsane. Bapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara wũnae, mataũtano pocotsiwa Nacom pejuntũ coyene weiweina exanaewatsi, mataũtano pocotsiwa daxita bichocono matapaeicha xanepana.

³ Nacom taneantobexae necata barapo peayapusu itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwĩ pam beyacaincha poxonae Nacom pia coutha ainya cui paca cana exana. Nacom paca catsiba pejume cowantsiwa daxita carepaya paxamtha. Daxota bewa daxita paxam xainyeya pana

nayabara nanta xeinaem pocotsiwa painya ne-exanaexae xua icha be pocotsi coyeneya Nacom painya nepaca itorobixae pocotsiwa bewa paex-anaename.

⁴ Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jupae coyeneya exanaeyo.

⁵ Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowantsixae Cristo. Caemonae wanaexanaexae Cristotha, daxota nantiya nayawenatsi.

⁶ Nacom daxita carepaya barompaya naca catsiba wajuntu coyeneya waexanae coyenewan, peichichipaexae xua naca yawenaena wanaca antobexae. Barapo juntu coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijei coyenewa Nacom Pejume Diwesi. Bapoxonae barapomonae bewa cueicueijei barapo diwesi jiwitha. Bapomonae bewa exanae baxua daxita po pejume cowantsiwatha Nacom bapomonaetha cata.

⁷ Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubiwatsi. Pomonae yaputane xua pecuidubiwa ichamonaetha, bewa

moya bara beta cuidubina ichamonaetha.

⁸ Ichamonaetha Nacom naca jiwana catatsi peyaputae coyenewa po coyenewa xua pejuntũ cui coyene tsacabinexa pejume cowantsiwi xua jũntema pejinompaenexa. Pomonaetha Nacom cata barapo peyaputae coyenewa bapomonaebewa moya bara beta jũntũ cui coyene tsacabina ichamonaebewa. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonaebewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonaebewa canamataxeinaeya itoroba. Bapomonaebewa moya bara saya daunweya beta canamataxeinaeya itorobaponaebewa. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwi. Bapomonaebewa moya jũntũ coyene weiweinaeya yawenaebewa.

Meje yabara xua pocotsiwa bewa exanaebewa pomonaebewa pejume cowantsiwi Cristo

⁹ Poxonaebewa pana naantobem xaniwaicha nantiya caemonaebewa pana naantobeinde. Panaitemare abe peexanaebewa coyenewan. Saya naitomatsiya paexanaponde pocotsiwa pexanepanaebewa coyenewan.

¹⁰ Bewa caemonaebewa nantiya pana naantobem, icha caepi jiwi ichi xua yatsicaewa naantobe xua cae peweicho jiwi. Bewa ichamonaebewa pabarũ cui itura jinaem xua barapomonaebewa peainya cui jiwi beyacaincha paxam.

¹¹ Jũntũ coyene daunweya patanacuire pon jiwi Pecanamataxeinaein. Jopa paacoyenefatabinde

poxonae pata nacuitame. Antꝰcoyenyapꝰya bapon patanacuire, bichocono painya neichichipaexae.

¹² Painya newꝰnae ewatsixae pocotsiwa xua Nacom paca catsibapaeba bexa daxota pajꝰntꝰ coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajꝰntꝰcoyenetanem, bara saya jꝰntema pajinompare. Jopa paaitaconaeinde. Jopa pana cui barapentsinde xua painya tsipaebibiwa Nacom.

¹³ Nacom piamonae xua irꝰ pomonae Nacom pejume cowꝰntsiwixaetsi payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casiwa poneibiwi, pomonae pejume cowꝰntsiwi Nacom pomonae jopa painya yaitaibi jiwi.

¹⁴ Pomonae paca atene exana painya nejume cowꝰntsixae Jesucristo barapomonae patawꝰcare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

¹⁵ Irꝰrꝰ pajꝰntꝰ coyene weiweineibare poxonae ichamonae jꝰntꝰ coyene weiweineiba. Ichacuitha pajꝰntꝰ coyene wecoyei tsaibindeno poxonae ichamonae jꝰntꝰ coyene wecoyei tsaibi.

¹⁶ Pebrꝰya nanta cui jꝰraeya pajinompare xua jꝰntema nantiya pana nabarꝰ dubenanaebiyame. Jopa ichamonae paaebinde. Pacana exande painya jiwi xua be pomonae pecui pawi jiwi. Jopa pana nayabara nanta xeinaeinde xua painya neyaputae jiwi pam.

17 Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwi xaniwaicha painya netaexanaewa tsane pocotsiwa barapomona tsita cui xanepanatsi.

18 Paexanaponde daxita pocotsiwan paca itacura, xain bapoxonae juntema pana nabarũ jinompame daxita jiwi.

19 Tamonae pam paxam pomonae tapaca caantobe jiwichi pam irũ painya nejume cowantsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwi”, jei Nacom Pejume Diwesitha.

20 Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha.

21 Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname

barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

13

¹ Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae.

² Daxota icha ichun jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae.

³ Pomonae beta peexanae jiwi jopa bewa cuitaya junuwi tsane xua pecuitaya junuwiwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwiwatsi pomonae itorobiya pecanamataxeinae jiwi. Icha

jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename.

⁴ Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentsexae xua abe peexanaexae Nacomtha.

⁵ Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane.

⁶ Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta pe-eexanaponaewa tsane poxonae Nacom tanacuitapoinchi.

⁷ Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po

coyenein peyabara matomatsiwan xua xuan paca w̃ca. Daxita pomonae pecanamataxeinae jiwi pabar̃ cui itura jinare, xua daxota betiya painya nebar̃ cueicueijejewa tsane.

⁸ Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cow̃ntsiya exana daxita pocotsiwa xua Moisés itoroba pia peitorobi coyenewatha.

⁹ Moisés pia peitorobi coyenewatha jeye: “Jopa pichinde ich̃n piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ich̃n xeina”, jei barapo itorobi coyenewatha. Barapo coyenein xuaunxuae paeban, ir̃no daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha.

¹⁰ Pon ba beta antobe tsaibi ichamonae bapana jopa abe taexanaeyo barapomonaetha. Daxota icha antobetsi ichamonae bapoxonae barapara jume cow̃ntsiya exainchi daxita pocotsiwa Nacom itoroba Moisés pia peitorobi coyenewatha.

¹¹ Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapae. Barapo dapaetha tsaca pajinompare, tsipei imoxoyo naca itiya pona po mataqueitha Nacom naca capanenebiyaena. Barapo matabi imoxoyo beyacaincha xua poxonae aena jume cow̃ntatsi Jesucristo.

12 Pequireiwa ba bewayo caewanaya poxoru matacabi dawetsina. Bara juta coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matacabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntũ coyene wũnaetatsi xua najuntũ coyene ayapusũ exanatsi abe waexanaeyainwa. Baxua icha be poxonae ba soldadopin ichi poxonae matacabitha nacui wũnaeta penabinexa. Bapon penaintontha nayaitata xua daxita pepontha xua pebexot-siyainwatsi.

13 Barabũ beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacypa exanae dubenanaebiyae tsainchi xua peamenetsaxawa. Mataũtano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Mataũtano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Mataũtano jopa bewa nauwi tsainchi.

14 Jame ichawa bewa paexanaename. Bewa Jesucristo patsipaebiname xua painya nepaca yai-tatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa

paexanaeinde po coyene xua abe painya exanae-wam pocotsiwa painya juntũ coyenein ichichipa xua peexanaewa.

14

Meje yabara xua jopa bewa abeya yabara pae-bichi po coyene xua pejinompaewa pomonae irũ pejume cowantsiwi

¹ Icha ichũn jũntũ coyene faefaena pejume cowantsiwa Cristotha, bapon pacana exande be painyamonae jiwi jiwana pomonae painya ne-jume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae.

² Ichamonae ba nanta xeina xua itacũpatsi penabanaewa xua daxita coyenein pexaewan. Ichamonae ba pomonae jũntũ coyene faefaena xua pejume cowantsiwa Cristotha barapomonae ira pipexaewa xane jopa pewi xaeyo.

³ Pon penabanaein daxita coyeneya pexaewan, bapon jopa bewa paebi tsane ichũnthã pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara irũ pexanto tatsi, icha ichi pon jopa penabanaein pewi.

4 Xam jopa bewa daxua paebim tsane xua pon ichan tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantaata pon jiwi Pecanamataxeinaein. Bapon jopa nantawenonaeyo xua iru xam canamataxeiname bapon. Saya meisa Nacom itacupatsi xua yabara paeba poxona po coyene icha bapon wanae exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

5 Ichamonae nanta xeina xua caentaqueitha bichocono peainya cui matabi beyacaincha xua icha matabi tsipei barapo matabitha xua Nacom wanae pejinchiwatsi. Ichamonae nanta xeina xua daxita matabin bara najura xua peainya cui matabin xua Nacom wanae pejinchiwanexatsi barapo matabintha. Daxita barapomona bewa barompaya pia juntu coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichan yabara nanta xeina.

6 Pon jopa nacuichiyo po mataqueitha xua peainya cui matabi, bapon baxua exana xua Nacom wanae pejinchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wanae pejinchinexatsi, pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam daxita coyeneya pexaewan”, jei. Irano pon jopa pewi xaeyo, bapon

barapara xua Nacom wɛnae pejainchinexatsi pon jiwi Pecanamataxeinaein, tsipei bapon jeye: “Nacom maisa jantɛ coyene weiweinan xua tanecatsiwam ira pipexaewa”, jei bapon.

⁷ Tsipei dapon ajibi pon waxainchi jiwanaetsi pomonaexaetsi pomonae wajume cowantsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tɛpaetsipa apara saya poxoru Jesucristo pon jiwi Pecanamataxeinaein bara copata xua bapon petɛpaewa tsane.

⁸ Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wɛnae pejainchinexatsi. Icha Nacom pon jiwi Pecanamataxeinaein copata xua bara watɛpaewa tsane barapo coyene bewa cana exanaetsi xua jiwi wɛnae pejainchiwa Nacom. Daxota bequein icha waxainchi jinompaetsipatsi, yawano poxona bequein icha tɛpaetsipatsi bara barapara barapo coyeneinya waxainchi bewa cana exanaetsi xua jiwi Nacom wɛnae pejainchinexatsi pon jiwi Pecanamataxeinaein poxoru waxainchi piamonae tatsichi.

⁹ Daxota Cristo tɛpa, yawano equeicha asɛ popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonae werapa irɛno pomonae cataunxuae jinompano.

¹⁰ Daxota dapon ajibi pon paxam jiwana pam pon bewa yabara paebina pomonaetha pomonae irɛ pejume cowantsiwi Cristo, xua pejeiwa:

“Barapomonae Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonae iru pejume cowantsiwi, xua jei: “Maisa barapomonae jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha.

¹¹ Tsipei Nacom Pejume Diwesitha jeye:

“Xan bara xaniwaicha yabara paca tsiwuna
muxu dutatsi xua daxita jiwi patsina xua
pentabocototha peumenaenexa taitabaratha
tanewuna jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei
tsane”, jei Nacom pon jiwi

Pecanamataxeinaein xua Pejume Diwesitha.

¹² Bapoxonae barapo mataqueitha yabara cue-
icueijei tsainchi Nacomtha pocotsiwa xua caena
bayatha exanatsi xua barapo cae pin nacuathe
icha bara metha wuna exainchi yawano icha
bara metha abe exainchi.

*Meje yabara xua jopa bewa exanaetsi pocotsi
coyeneya pomonae pejume cowantsiwi abe peex-
anaewa tsane*

¹³ Daxota waxainchi jopa bewa yabara nan-
tiya namuxutainyabichi pocotsiwa waexanaexae.
Jame bewa paexanaem xua meje: Painya xoba

pacana exaname painyamonaē pomonaē iru pe-
jume cowantsiwi xua pocotsi coyeneya bara-
pomonaē peexanaewa tsane xua daxota jopa pe-
jume cowantsiwa tsane Nacom.

14 Tsipei xan tajume cowantsixae Jesús pon
jiwi Pecanamataxeinaein daxota bara yatsicaya
yaputan, xua dapocotsiwa ajibi po pexaewa
tanejuntu coyene taxobiwa xua icha taxaewa
tsane. Ichitha icha ichun yabara nanta xeina
xua po pexaewa betaxobichipatsi icha xaetsipa
baroxonaē bara tsita xainyeichi, betaxobichipatsi
icha xaetsipa.

15 Ichitha icha paxaetsipame pocotsiwa xua
painya jiton jopa ichichipaeyo xua pexaewa, pon
iru pejume cowantsin baroxonaē peantobe coye-
newa jopa patsita xeinaem bapon. Painya xoba
paexaname pocotsi coyenetha xua ichun barax-
uba Nacom xua poxoru pocotsiwa painya nex-
aexae. Tsipei apara Cristo bayatha tsitupa bapon.

16 Paxam pananta xeiname xua bara wnae
paexaname po coyenein ichamonae tsita abetsi
pejuntu coyenein taxobixaetsi. Bequein baxua
payabara nanta xeinaetham tsipae ichitha jopa
paexanaemtsipae barapo coyenein. Tsipei icha
paexanaetsipame barapo coyenein, ichamonae
yabara jei tsipae barapo coyenein: “Maisa po
coyenein barapomonaē exana bichocono abe”, jei
tsipae.

17 Nacom ichichipa xua waxainchi peburuya
juntema wajinompawa. Daxota poxonaē Nacom
naca itoroba po coyene yabara po coyeneya
bewa nabaru jinompaeinchi, jopa yabara
paebi tsainchi xua po peitorobi coyenein xua

waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi peꝓntꝓ coyene xanepanaewa. Mataꝓtano bewa pinae jꝓntema nabarꝓ jinompaeinchi Nacom nexa. Mataꝓtano bewa jꝓntꝓ coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumoꝓe tꝓnaxꝓ tatsi.

¹⁸ Poxonae barapo coyeneya Cristo taexainchi bapoxonae Nacom tsita xanepanatsi pocotsiwa xua exainchi. Mataꝓta jiwꝓ naca yabara paeba xua pinae bara beta exainchi.

¹⁹ Daxota bewa waxainchi exaneibinchi pocotsi coyenein xua jꝓntema nabarꝓ jinompatsi exanatsi. Yawano bewa exaneibinchi pocotsi coyeneintha xua nantiya jume cocowꝓntaponatsi naexainchi.

²⁰ Jopa bewa paxaem ichꝓn peitabaratha ꝓon painyamonae jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon irꝓ metha xaetsipa barapo pexaewa. Bapoxonae bapon nanta xeinaetsipa xua bapon ꝓomonae jiwana ꝓomonae penatsicuentsiwa Nacomtha xua abe peexanaexae. Painya xaexae bapon ꝓacana exaname xua jopa beta ꝓejume cowꝓntsiwa Nacom.

²¹ Jame pocotsiwa xua xanepanaya painya ne-xanaewa tsane meje baxue: Jopa bewa paxaem ꝓewi. Mataꝓtano jopa bewa ꝓaapaem ꝓeamenetsaxawa. Mataꝓtano jopa bewa ꝓaexanaem pocotsi coyenewatha painya jiton ex-

anaena pon iru pejume cowantsin Cristo xua abe peexanaewa tsane.

²² Icha paxam pajume cowantame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca juntu coyene taxobiyo saya jame meisa Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomonaе jopa bapana xae. ¡Maisa juntu coyene weiweina pon daxita coyeneya pexaewa penabanaein pon pia juntu coyenewa jopa tsipaebichi xua pinae penatsicuentsiwa xua abe peexanaewaxae Nacomtha poxonaе barapo pexaewa xane!

²³ Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonaе daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa bapoxonaе barapara abe exanatsi, poxonaе baxuan exanatsi.

15

Meje yabara xua pocotsiwa bewa exanaetsi xua ichamonae tsita xanepanatsi

¹ Waxainchi pomonaetsi pomonaе ajuntucoyenesutsi xua wajume cowantsiwa Cristotha. Daxota bewa yawenaetsi pomonaе xua juntu coyene faefaena xua pejume cowantsiwa Cristotha xua barapomonaе awiya jume cowantsina. Jopa meisa bewa exanaetsi pocotsiwa xua waxainchi wacoya ichichipatsi.

² Daxita waxainchi bewa exanaetsi pocotsi coyenewa tsita coyene xanepanatsi pomonae ichamonae pomonae iru pejume cowantsiwi pocotsi coyenetha xua barapomonae yawenatsi xua pejume cocowantaponaenexa.

³ Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonae abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonae jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha.

⁴ Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawanae ewatsinexa. Xeinatsi baxua poxoru Nacom Pejume Diwesi naca cana exana xua jopa dapu coyene xeinaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntu coyene tsacabatsi xua wajume cowanta dubenanaebiyaewa.

⁵ Nacom bapon naca cana exana xua jopa bepijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburuya nanta jupiya pananta xeiname xua painya nabaru exanaewa tsane, icha be pocotsi coyeneya Cristo Jesús exana.

⁶ Barabu be caemonae pana nabaru wanae jain-

tame Nacom, pon Jesucristo Paxa tatsi, pon Jesucristo Wanacanamataxeinaein.

Meje yabara xua po coyene pomonae jopa judiomonae naexanaeyo tsipaebatsi Nacom pia pecapanenebiyae diwesi jume

⁷ Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wɥnae pejainteibinexa Nacom painya neexanaewamxae baxua.

⁸ Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwɥnae muxu duta wamo susato jiwitha.

⁹ Yawano Cristo daxota patopa xua pomonae jopa judiomonae naexanaeyo wɥnae pejainchinexa Nacom xua Nacom wɥnaeya peyabara nanta xeinaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“Wɥnae cajaintatsi daxita nacuan jiwitha pomonae jopa judiomonae naexanaeyo pia xantha tatsi. Wɥnae cajaintatsi xua poxonae cata naxɥnatsi”, jei Nacom Pejume Diwesitha xua Cristo Paxatha paeba.

¹⁰ Equeicha Nacom Pejume Diwesitha jeye:

“Barabɥ daxita nacuan jiwi caemonae nabarɥ jɥntɥ coyene weiweinaena pomonae Nacom itapeta xua pecana exanaenexa piamonae tatsi”,

jei Nacom Pejume Diwesitha.

¹¹ Equeicha Nacom Pejume Diwesitha jeye:

“Barab_u daxita pam pomonae jopa judiomonae naexanaeyo pam w_unae pajainchiname pontha pon jiwi Pecanamataxeinaein. Mata_utano barab_u daxita nacuanpiwi w_unae jainchina bapontha”, jei Nacom Pejume Diwesitha.

¹² Equeicha Nacom Pejume Diwesitha xua Isaías tatina, jeye:

“Pebin patopaena pon Isaí pia pemomoxi susato jiwi jiwana tatsi, pon David paxa tatsi.

Bapon Nacom cana exana xua bapon itorobiya pecanamataxeinaenexa tsane pomonae jopa judiomonae naexanaeyo.

Barapomonae jume cow_untsiya w_unae ewatsina xua barapon barapomonae pecapanenebiwa tsainchi abe pia peexanaexae cuiru coyenein weya tatsi”, jei Isaías Nacom Pejume Diwesitha.

¹³ Barab_u Nacom pon naca cana exana xua waw_unae ewatsiwa Cristo bichocono paca j_unt_u coyene weiweina exanaena. Mata_utano barab_u Nacom j_untema jinompa paca cana exanaena. Nacom baxua pacata exana painya nejume cow_untsixae bapon. Baroxonae barab_u Nacom paca cana exana xua jopa juniya painya new_unae eewataponaeewa tsane Cristo. Nacom pia Pejumope t_unax_u tatsi baxua paca cana exana pia peayapus_u itorobi coyenewatha.

¹⁴ Tamonae pam, paxam pomonae ir_u painya nejume cow_untsixae Jesucristo. Bara

xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Matautano paxam payaputaneme daxita xua pocotsiwa bewa paexanaename. Matautano payaputaneme xua po coyene bewa nantiya pana namuxuwetsim.

¹⁵ Barapo cartathe pecono jumeyotha atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nejuntemainawa. Daxota atsaquiya pacata tinatsi baxuan Nacom tanebaru cui itura jinaexae poxonae necata barapo tanacuichiwa.

¹⁶ Nacom neitoroba xua Jesucristo tatanacuichinexa tayawenaenexa pomonae jopa judiomonae naexanaeyo. Tanacuitan Nacom poxonae cueicueijan Nacom pia pecapanenebiyae diwesi jume pomonaetha pomonae jopa judiomonae naexanaeyo. Barapomonae pejume cowantsixae Cristo, Nacom pia Pejumope tuxaxu tatsi cana exana xua barapomonae jejuntu coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita juntu coyene xanepanaewichi.

¹⁷ Tajume cowantsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa.

¹⁸ Jopa yabara paebinyo xua Cristo exana icha monae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae

naexanaeyo pejume cowantsinexa Nacom. Barapomona Nacom jume jejeichi poxona jume tane pocotsiwa cueicueijan xuano xua tane pocotsiwan xua exananno.

¹⁹ Nacom neexana xua pia Pejumo pe tuxaxu tatsi pia peayapuxu itorobi coyenewatha exanan pexeinya petsita itabi coyenewan po coyene jiwi juxtu coyene nabenaeca cana exainchi. Daxota poxona Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan.

²⁰ Daxota ichichipeiban xua tacueicueije iwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueije barapo diwesi.

²¹ Poxona xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomona cataunxuae jopa tsipaebichi po diwesi xua bapon peyabara paebiwatsi, barapomona jume taena, xua bapon yabara jume taeinchi. Bapoxona barapomona yaputaena po diwesi xua bapon peyabara paebiwatsi xua daxota bapon jume cowantsinchi”, jei Nacom Pejume Diwesitha tatsi.

Meje xua poxona Pablo paeba xua pinae beponaena Roma tomara beya

²² Ichamonae tatsipaebaponaexae barapo diwesi jopa neitacupaeyo xua tapaca casiwa ponawatsi. Bequein bayatha ichichipeiban xua

tapaca casiwa poneibiwa tsainchi ichitha jopa neitacupeibiyo.

²³ Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa poneibi-watsi.

²⁴ Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntꝯ coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapan neyawenaewam tsane pocotsiwa nantawenonan tawarapaewanexa poxonae painya tomara weya ponaein.

²⁵ Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae irꝯꝯ pejume cowꝯntsiwi Cristo.

²⁶ Macedonia nacuapiwi irꝯ Acaya nacuapiwi pomonae pejume cowꝯntsiwixae Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopeibiwi pomonae irꝯ jume cowꝯnta Jesús icha paxam paichim.

²⁷ Barapo pejume cowꝯntsiwi pomonae Macedonia nacuapiwi irꝯ Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichꝯn. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa

judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya.

²⁸ Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya.

²⁹ Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntu coyene xanepana xua daxota painya nejuntu coyene weiweinaewa tsane.

³⁰ Tamonae pam, paxam pomonae iru painya nejume cowuntsiwixae Jesucristo. Paca wucatsi xua be caemonae panaexande xua ajumesuya daunweya painya pana nebaru tsipaebinexa Nacomtha xua bapon tana neyawenaewa tsane xua tatanacuichiwa bapon. Baxua paca wucatsi iru painya jume cowuntsixae Jesucristo pon Wanacanamataxeinaeinxae. Barichi paca wucatsi iru painya xeinaexae po peantobe coyenewa Nacom pia Pejumope tuxaxu tatsi naca cata.

³¹ Nacomtha painta tsipaebare xua jopa abe tana neexanaenexa pomonae Judea nacuatha pejinompaewi, pomonae jopa pejume

cowantsiwi. Matautano Nacomtha painta tsipaebare xua barapo Jerusalén tomarapiwi pomonae pejume cowantsi jiwi tanententa cobe wenotsinexa barapo paratixi.

³² Bapoxonae icha Nacom ichichipaena juntu coyene weiweinaya paca siwa patopaeinchi. Matautano nafifina caewatsin xua tapaca casiwa ponaewatsixae tsainchi.

³³ Barabu Nacom pon juntema jinompa naca cana exana paca baru poponaena daxita. Je, bara ichi tsane.

16

Meje yabara poxonae Pablo jacoba Roma tomarapiwi

¹ Anoxuae yabara paca tsipaebatsi powa pewan Febe, powa beta peexanaewayo. Bapowa paca siwa ponaena. Bapowa be wamcho watsicotaewa iru pejume cowantsixae Jesús. Barapowa Nacom tanacuitatsi xua yawenatsi pomonae pejume cowantsi jiwi Cencrea tomaratha.

² Barapowa wunaeya pantenta weyataeya wabare Jesucristo piamonae jivanaxae pon Wanacanamataxeinaein. Baxua bewa paexanaem icha pomonae pejume cowantsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha iru neyawena.

³ Painta jacobare powa pew_{un} Prisca. Ir_u painta jacobare, pia pebin tatsi, Aquila, tsipei bar_u nacuitanbe barapo tanacuichiwa po coyenein exanan Cristo Jesús nexa.

⁴ Baraponbe bara muxu pet_upaebe tana necapanepaenexabe poxonae ichamonae juntucuru muxu tana nebexubi. Daxota xan baranbe: “Maisa j_{un}t_u coyene weiweinan xua tapaneyawenaemxaebe”, jan. Barichir_u daxita pomonae Nacom pejume cow_{un}tsiwichi pomonae jopa judiomonae naexanaeyo pomonae Nacom petsita nacaetuteibiwichi xua w_{nae} pejainteibinexatsi, jeye: “Maisa paj_{un}t_u coyene weiweinan xua paxambe pana neyawenname xua Pablo jopa pet_upaewa”, jei.

⁵ Ir_uno painta jacobare pomonae nacaetuta Prisca pia pebinbe pia botha tatsibe. Mata_utano painta jacobare Epeneto pon tajiton, pon bichocono antobein. Bapon pon copiya jume cow_{un}tano Cristo Asia nacuatha.

⁶ Mata_utano painta jacobare María. Barapowa powa bichocono pacata nacuita.

⁷ Mata_utano painta jacobarebe Andrónico ir_u Junias ponbe ir_u judiomonaepinbe icha xan ichin. Baponbe neyawa bar_u muxuna etabe jiwi pec_ubi botha. Mata_utano baponbe Jesucristo pia peitorobi jiwi tatsi jiwanae. Jiwi beta yaputaena xua baponbe bara Jesucristo pia peitorobi jiwi jiwanae tatsi. Baponbe caena bayatha netsiwana jume cow_{un}tabe Cristo.

⁸ Painta jacobare Ampliato pon tajiton, pon bichocono antobein, pon ir_u pejume cow_{un}tsixae pontha pon jiwi Pecanamataxeinaein.

⁹ Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein.

¹⁰ Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowuntsiwatsi poxonae bequein abe taexaneibatsi ichamonae. Matautano painta jacobare Aristóbulo piamonae tatsi.

¹¹ Matautano painta jacobare Herodión pon iru judiomonaepin icha xan ichin. Iru painta jacobare Narciso piamonae tatsi pomonae pejume cowuntsixaeru pontha pon jiwi Pecanamataxeinaein.

¹² Iru painta jacobare powa Trifena irano powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayo tajitowayo, powayo antobein iruru pejume cowuntsixaeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi.

¹³ Irano painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Irano painta jacobareno bapon Rufo pena tatsi, powa iru be taena tsicotan.

¹⁴ Iru painta jacobare pon Asíncrito, irano pon Flegonte, irano pon Hermes irano pon Patrobas, irano pon Hermas. Irano painta jacobare daxita pomonae iru pejume cowuntsiwixae Cristo pomonae xua baru jinompatsi barapomonae.

¹⁵ Matautano painta jacobare pon Filólogo.

Iruno painta jacobare powa Julia. Iruno painta jacobare pon Nereo, iruno Nereo pamcho tatsi. Iruno painta jacobare pon Olimpás. Matautano painta jacobare daxita pomonae iru pejume cowantsiwixae Cristo, pomonae baru jinompatsi barapomonae.

¹⁶ Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobá.

¹⁷ Tamonae pam, paxam pomonae iru painya nejume cowantsiwixae Jesucristo. Paxam paca muxuwetatsi xua dota pam painya necui naitae-watsinexa pomonae xua tsana paca necaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume toxechiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae taju pajume cuitaya ponde.

¹⁸ Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume.

19 Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono juntu coyene weinana. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane.

20 Nacom bapon apara pon juntea jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabu Jesús, pon Wanacanamateaxeinaein, paca yawenaena pia paca necaantobexae.

21 Iruno Timoteo paca jacobae pon nebaru nacuita Jesucristo nexa. Matautano pon Lucio, iruno pon Jasón, iruno pon Sosípater, barapoyobe paca jacobae. Barapoyobe iru judiomonaepinbe, icha xan ichin.

22 Xan Tercio, barapo carte saya tatinan Pablo. Xan bapon iruru paca jacobatsi iruru taantobexae pon jiwi Pecanamamateaxeinaein.

23 Iruru pon Gayo bapon paca jacobae. Xan Pablon bapon Gayo pia botha tatsi anoxuae pononan. Baxota pia botha tatsi tanacaetutatsi pomonae pejume cowantsi jiwi, Nacom wanae pejainchinexatsi. Iruno Erasto paca jacobaru pon paratixi peenaein Corinto tomaratha xua Corinto tomarapiwi pia paratixi tatsi. Iruno Cuarto bapon paca jacobae, pon iru pejume cowantsin Cristo.

24 Barab_u Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

Meje xua Pablo Nacom w_unae jaintatsi poxonae najume opi duta exana barapo carte

25 Barab_u w_unae jaintatsi Nacom. Nacom itac_upatsi xua paca ajunt_uyapus_uya cana exana xua beta painya nejume cow_unts_uinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacua forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei ab_u be namicha jume yaw_un xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi.

26 Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Mata_utano jiwi yaputane poxoru Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cow_unts_uinexa Cristo. Mata_utano jume tane exana xua barapo jiwi peexanaewa tsane pocotsiwa Nacom itoroba.

27 Barab_u Nacom w_unae jaintatsi, pon meisa compa yatsicaewa daxita peyaputaenin. Jesucristo naca cana exana xua Nacom w_unae wajainchiwa xua ataya nexa. Je, bara ichi tsane.

Baja Pablo.

**Nacom Pejume Diwesi po diwesi pena jume
diwesi xua Jesucristo yabara tinatsi
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022
e9c4c3a0-6dec-54a4-aaba-fb395e5eddc7